



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Թ/Մ/Բ/Ա/Ե/Գ/Ա/Դ/Ե  
Ն/Գ/Գ/Ս/Ե/Ե

1903

91. 99

Շ-66

19 NOV 2011

*Handwritten text, possibly a signature or name.*

*Small handwritten mark or text.*

*Small handwritten mark or text.*



*Small handwritten mark or text.*

91-99  
- 66

ՇԻՐՎԱՆՋԱԳԻ

Ե Լ Գ Ի Ն Ե



ԳՐԱՄԱ 3 ԳՈՐԾՈՂՈՒԹԵԱՄԲ



kr>

891.99-2

C-66

ԵՄ ԹԻՐՎԱՆԶՈՒԹԵԱՐԻ

A 6984

~~1001~~  
3091

**Ե Ղ Գ Ի Ն Ե**

ԴՐԱՄԱ 3 ԴՈՐԾՈՂՈՒԹԵԱՐ



ԹԻՖԼԻՍ

Տպ. «Верещевъ и Каменяхеръ». | Տպ. «Չեքիչև և Կամենսիսկեր»  
Мих. пр., № 81

1903

15.07.2013

48259

П-волено цензурою. Тифлисъ, 1-го Юня 1903 года.

# Ե Ի Ք Ի Ն Է

Դրամա երեք զորձողութեամբ

ՆՈՒՐԱՂՈՒՄ Է ԳԵՐԱԾԱՆ ՅՈՂՀԱՆՆԷՍ ԱՅԵԼԵԱՆԻՆ

Սաղին անգամ ներկայացված է 29 հոկտ. 1901 թ. Քիֆլիսի Արտիստիք.  
ընկերութեան թատրոնում:

Գ Ո Ր Ծ Ո Ղ Ա Ն Ձ Ի Ն Ք.

Միհրան Ալվերդեան, քաղաքում յայտնի փաստաբան,  
35 տարեկան:

Եւզինէ Ալվերդեան, նրա կինը, 24 տարեկան:

Հռիփսիմէ Միրվելեան, Եւզինէի մայրը, 50 տարե-  
կան այրի:

Մարթա Տէրտէրեան, Միհրանի քոյրը, 38 տարե-  
կան այրի: Նախկին վարժուհի:

Համազասպ Վարսամեան, Միհրանի մօրեղբոր որ-  
դին և օգնականը, 28 տարեկան:

Արզար Սուլթանեան, ինժեներ-տեխնոլոգ, գործա-  
բանատէր: Միհրանի բարեկամն ու հասակակիցը:

Արշակ Սառափեան, Եւզինէի մօրեղբոր որդին: Նախ-  
կին սպայ, այժմ անգործ, 36 տարեկան:

Գաբրո Ազարեան, 36 տարեկան:

Գալամբարեան Չարուհի, 35 տար. }ամուսիններ:  
Գալամբարեան Բարսեղ, 52 տար. }

Երմոնէ, Ալվերդեանների աղախինը:

Գրագիր.

Գործողութիւնը կատարվում է նահանգական մեծ քաղաքում:  
Ներկայացնելու իրաւունքը վերապահված է հեղինակին:

# ԱՐԱՐՈՒԱԾ Ա.

Բեմը ներկայացնում է Ալվերդեանների բաւական հարուստ զարգարված հիւրասենեակը: Գէպի ձախ երկու դուռ—խորքինը տանում է սեղանատուն, աւանսցենայի կողմինը—Եւգինէի նընջարանը: Այս երկու դռների միջև դրած է թախտ թանգագին մութարաներով ու բարձերով: Խորքում նոյնպէս երկու դուռ, որոնցից ձախինը տանում է դէպի նախասենեակ, աջինը դէպի Միհրանի առանձնասենեակը: Աջ պատի վրայ լուսամուտների դէպի փողոց: Այս պատի տակ դրած է դաշնամուր, մօտը մի սեղան, վրէժի գեղարուեստական իրեր, լուսանկարներ դիտակով հանդերձ: Սեղանի մօտ բարձը պատուանդանով բրօնտակայ լամպար ահագին մետաքսեայ լուսամփոփով: Խորքի երկու դռների միջին ուղղութեամբ բեմի մէջտեղում դրած է գահաւորակ, շրջապատված շքեղ բաղկաթոռներով: Աջ կողմում մի օրօրվող բաղկաթոռ (качалка): Ամենուրէք սենեակի ազատ և յարմար անկիւններում փոքրիկ ցածր փափուկ նստարաններ: Առ հաճախակի կախված են իւզանկարներ և գրաւիւրներ: Առ հարստութեան գրոշմ: Մենն ինչ նոր է և ժամանակակից: Երեկոյեան Տ ժամն է: Սենեակը լուսաւորվում է գահաւորակի առջև սեղանի վրայ դրած և դաշնամուրի մօտ գտնվող բրօնդեպ լամպարներով:

## Տ Ե Ս Ի Լ Ի

Տիկ. Մարթա եւ Եւոննէ:

Վարագոյրը քարձրանալիս Եւոննէն անձեռոցիկով մաքրում է քաղկաթոռները, իսկ տիկ. Մարթան քրօնգևայ լամպարի մօտ նստած կարդում է ինչ-որ գիրք:

Տ. ՄԱՐԹԱ. Շուտ արա, գործդ վերջացրու, ութ ժամից անց է, սամօվարը կուշանայ: ԵՐՄՈՆԷ. Իսկի էլ չի ուշանայ:

Տ. ՄԱՐ. Էլի հակառակեցիր, ախար հայ ես է: ԵՐ. Հայն ինչ է որ... Տ. ՄԱՐ. Հայը գոռոզ է, կոպիտ է, հակաճառոզ: ԵՐ. Իսկի էլ հակառակող չէ: Տ. ՄԱՐ. (Ժպտալով) Գէ լաւ, դնա սամօվարի հոգս տես, թէ չէ՝ կըբարկանամ:

ԵՐ. Իսկի էլ չես բարկանայ: Գնում եմ: (Գրնում է ձախ կողմի խորքի դռներով սեղանատուն: Ձախ թեւի աւանսցենայի կողմի դռներից, ննջարանից դուրս է գալիս Եւգինէն:)

## Տ Ե Ս Ի Լ Ի

Տիկ. Եւգինն եւ տիկ. Մարթա:

Տ. ՄԱՐ. Երեխան քնեց: ԵՒԳԻՆԷ. Վերջապէս, քնեց: (Նստում է դաշնամուրի մօտ երեսը դէպի Մարթան: Լուսիւն:) Տէր Աստուած, ինչքան տխուր է առանց Միհրանի:

ՄԱՐ. (Գիծըը ծալելով եւ ծնկան վրայ դնելով) Մի կէս ժամ ուշացաւ, էլի տխրեցիր: Ախ, սիրահարներ, սիրահարներ, շուտով ձեր ամուսնութեան տասնևչորս ամիսը կըլրանայ, էլի, կարծես, երէկ էք պսակվել: Այդպէս չի կարելի, մի քիչ պակասեցրէք ձեր կրակը: (Ժպտում է:)

ԵՒԳ. Միթէ ուրախ չես, որ եղբայրդ սիրվում է: ՄԱՐ. Ընդհակառակը: Քեզ շատ լաւ յայտնի է, թէ որքան թանգ է ինձ համար Միհրանի բաղդաւորութիւնը: Սիրիր նրան, Եւգինէ, նա հաղուազիւտ մարդ է:

ԵՒԳ. Այժմ ես նրան ճանաչում եմ աւելի, քան թէ դու:

ՄԱՐ. Այո: Կընչանակէ գիտես, որ եթէ նրան վշտացնես—կըգժքազդանայ:

ԵՒԳ. (Թելթել հառաչելով) Ինչո՞ւ պիտի վշտացնեմ, քանի որ սիրում եմ:

ՄԱՐ. Իսկ նա քեզ ուղղակի պաշտում է: Նա չի էլ կարող ուրիշ կերպ սիրել: Նրա բնաւորութիւնն անխառն է, հաստատ է, այսպէս ասած, ամբողջ: Այդ տեսակ մարդիկ երբ սիրում են, սիրում են անկեղծ, խորը և անվերջ սիրով: Բայց, շողքորթութիւն չըհամարես, դու էլ նրա նման ես: Դուք երկուքդ, իմ կարծիքով, միևնոյն բնաւորութեան տէր էք: Չարմանալի է, որ ասում են, թէ միայն կօնորաստներն են միմեանց սիրում:

ԵՒԳ. Չըգիտեմ, կայ իմ մէջ նրա արժանաւորութիւններից որ և է մէկը թէ չէ, գիտեմ, որ ոչ միայն սիրում եմ նրան, այլ և յարգում: Նա այն մարդն է, որին վաղուց ստեղծել էր երեւակայութիւնս և որին ես ոչ ճանաչեցի: Յարգում եմ նրա սրտի պարզութիւնը, խելքի կորովը, կամքի ոյժը: Այո, նա զօրեղ կամքի տէր է: Միմիայն իւր խելքին է պարտական այն դիւրը, որ նա ունի մեր քաղաքի հարիւրաւոր փաստաբանների մէջ: (Վեր է կենում ու շրջում):

ՄԱՐ. Արի, այդ խօսքերիդ համար քեզ համբուրեմ: (Վեր է կենում եւ համըռուվում): Այդ կարծիքը պատիւ է բերում քեզ, եւզինէ: Նշանակում է, որ դու երախտագէտ ես, իսկ երախտագիտութիւնը մեր ժամանակում մեծ արժանիք է: Եւ ի՞նչպէս չըլինել երախտագէտ: Հակառակ ընդհանուր ախտի նա, չըյափշտակվեց ոչ օժիտով և ոչ կապերով և շատ

հարսնացուների մէջ քեզ ընտրեց. քեզ, որ համարեա ոչինչ չունէիր, բացի անձնական արժանաւորութիւններից: (Լուում է եւ, նայելով Եւզինէին, ժպտում): Միայն իմացիր, որ եթէ մի օր դու նրան վշտացնես, կատեմ քեզ: Իսկ դու գիտես, թէ որքան եմ ատում, երբ ատում եմ:

ԵՒԳ. (Նայում է աչքերին, աշխատելով ժպտալ): Գիտեմ... աչքերդ արտայայտում են: (Յրժոնէն ներս է մտնում լրագրները ձեռքին):

ԵՐ. (Տալով լրագրները տիկ. Մարթային) Խանջալոյճերի աղախինը բերեց:

ՄԱՐ. Այո, այո, ես էի խնդրել: (Կանգնելով լամպարի մօտ, շտապով քաց է անում համարներից մէկն ու նայում): Այն է, որ կայ:

ԵՒԳ. Այդ ի՞նչ է:

ՄԱՐ. Արբաշեանի ինքնասպանութեան գործի հաշիւը: (Եւզինէն ցնցվում է):

ԵՐ. Խնդրել է, որ էգուց առաւօտ յետ ուղարկէք:

ՄԱՐ. Ասա, լաւ: (Յրժոնէն գնում է): Ուրեմն, հէնց այս երեկոյ պիտի կարդալ: Բայց ոչ հիմայ. շաբաթ երեկոյ է, երեի, հիւրեր կըգան:

ԵՒԳ. (Հետաքրքրված) Այդտեղ ամբողջ գործն է սպված:

ՄԱՐ. Չգիտեմ, ինձ հետաքրքրում է մամուլի կարծիքը:

ԵՒԳ. (Ելելով լրագրները) Տուր ինձ, ես ուզում եմ կարդալ:

ՄԱՐ. (Չարմացած) Ինչո՞ւ այդպէս խլեցիր: Ուզում ես—միասին կարդանք:

ԵՒԳ. Ոչ ոչ, առանձին-առանձին... (Ուզում է գնալ):



ՄԱՐ. Ո՞ւր ես գնում:

ԵՒԳ. Իմ ննջարանը, կարդալու:

ՄԱՐ. Ինչո՞ւ ես այդպէս շտապում:

ԵՒԳ. (Շփոթվելով) Ոչինչ, հէնց այնպէս: (Չան-  
զակի ձայն:) Ահ, հիւր է գալիս: Ի՞նչ զբաղեցրու, ես  
խակոյն... (Գնում է նոյն դռներով, որտեղից եկել էր:)

ՄԱՐ. (Յայտն է նրա ետեւից զարմացած):

### Տ Ե Ս Ի Լ III

Տ. Մարքա եւ Սառափեան:

ՍԱՌԱՓԵԱՆ (Ետքս է մտնում ֆռակով: Ես մի  
փոքր հարբած է, բայց իրան պահում է խիստ կա-  
նոնատոր: Քոյր Մարթա, ամենախորին յարգանքներս...

ՄԱՐ. Հըմ, էլի քէֆդ լաւ եմ տեսնում: Այդ սր-  
տեղից:

ՍԱՌ. Բուրժուական ճաշից եմ գալիս: (Ընկղմ-  
վելով օրօրվող ըսզկաթոռի վրայ) Ներեցէք, քոյր  
Մարթա, այս բազկաթոռը նպաստում է մարտողու-  
թեան: Միրզաջանոֆների տանն էի, իրանց փեսացուի  
ձնողներին ճաշ էին տալիս: Է՛հ, քոյր Մարթա, մեր  
հասարակութիւնը լուսաւորվել է: Այժմ պահանջում  
են, որ ֆռակով գնանք ճաշի: Տամուհինգ տարուայ  
մէջ Միրզաջանոֆների տրեխները փոխվել են փայլուն  
կոշիկների, փափախը—ցիլինդրի, չուխան—ֆռակի:  
(Հանելով ժիլետի զրպանից մի սիգար:) Վարելի՛ է: (Մար-  
թան գլխով համաձայնութեան նշան է անում, նստե-  
լով ըսզկաթոռներից մէկի վրայ:) Մերսի: Այո, այո,  
մեծ յառաջադիմութեան մէջ է մեր ազգը: (Սիգարը

վառում է:) Պարոն Միրզաջանովը դեռ չի սովորել  
կերակուրը պատառաքալով ուտել, լաքէյին «պառ-  
դօն» է ասում: Տիկին Միրզաջանովն ասում է. «աղջի-  
կըս կա-դը-պատր է սովորում», «տղաս վալանչել է ա-  
ծում»: Հայերէն արժանի չի համարում խօսելու: Մի  
խօսքով, չիլափաւ:

ՄԱՐ. Ճաշն երկնք տևեց:

ՍԱՌԱ. Այո: Յետոյ երիտասարդները նստեցին  
բակարա խաղալու, ես մի փոքր մտիկ արի, սիրտս  
պղտորվեց, փող չունէի, որ բաղդս փորձեմ: Քոյր  
Մարթա, տխուր է, շատ տխուր:

ՄԱՐ. Ամուսնացէք...

ՍԱՌ. (Շուտ տալով ժիլետի դատարկ զրպաննե-  
րը) Սրանցով: Մինչև անգամ ժամացոյց էլ չունիմ.  
Գրաւ եմ դրել հիւրանոցի տիրոջ մօտ:

ՄԱՐ. Ինչո՞ւ չէք ծառայում:

ՍԱՌ. Ո՞վ է պաշտօն տալիս, որ ծառայեմ: Ինձ  
հրաւիրում են ճաշերի, ընթրիքների, երեկոյթների,  
հիւրասիրում են Ռեդերերի շամպանիայով, Հանրի  
Կլէյնի կամ Ուպմանի սիգարներով, իսկ պաշտօն չեն  
տալիս:

ՄԱՐ. Երևի, անընդունակ են համարում:

ՍԱՌ. Անընդունակ: Ես մի ամբողջ ուտա եմ կա-  
ռավարել, մի քոստո Բաղդասարի կամ Մաթէոսի կօն-  
տորա կառավարել չեմ կարող: (Շըջում է:) Ոչ, այդ  
չէ, քոյր Մարթա, ընդունակ եմ, բայց լուել չըզիտեմ:  
Օօ, լուելու արհեստը շողքորթելու արհեստից էլ շա-  
հաւէտ է: Ես ճանաչում եմ մարդիկ, որոնք համար-  
վում են խելօք, որովհետև գիտեն լուել և խորհրդա-  
ւոր կերպով իրանց քիթը քորել: Քիթ քորելն երևելի

տաղանտ է: (Մարթան ծիծաղում է:) Բայց դուք ծիծաղում էք, (զանգի ձայն) ձեզ հետ լուրջ խօսել չի կարելի: Ահա, հիւրեր: Գրազ կըգամ, որ Գալամբարեաններն են: Ով լինի-չըլինի, նրանք ամեն շաբաթ երեկոյ այստեղ են: (Յերս են մտնում տիկին և պարոն Գալամբարեանները: Կինը հագնված է շքեղ, մարդը հասձաշ սիրտուկով է:) Տես՞ք... Ռօմէօ և Զիւլետտա:

#### Տ Ե Ս Ի Լ IV

Նրանք և Գալամբարեաններ, յետոյ Եզրինէ:

Տ. ԳԱԼ. (ըարեւելով, իսկ Մարթայի հետ համըռովելով) Ա՛խ, Մարթա, եթէ իմանաս ինչքան յոգնած եմ, կըցաւես: (Նստում է:) Այսօր երեք նիստ եմ ունեցել, չորրորդն էլ բաց եմ թողել: Ամբողջ քաղաքըն էլ չափչփել եմ: Անիծվի՛ր այսպիսի քաղաքը. մի հատ բնակարան չեմ գտնում խեղճ տաճկահայ որբերի համար:

ՄԱՐ. Էլի՞ որբեր:

Տ. ԳԱԼ. Այո, այո, էլ մի ասա:

Պ. ԳԱԼ. (Նստում է, սիրտուկի փեշերը զգուշութեամբ յետ քաշելով:) Լօխ էլ եկել են մեր դիւխն թափվել: (Ժպտում է:)

ՄԱՐ. Լճիս: (Մարթան յանդիմանաբար նայում Սառափեանին:)

Պ. ԳԱԼ. Ըմբօ, փռակղ նոր ըմ տեսնում, էդ հինչ տեղ... (Ժպտում է:)

ՄԱՐ. (Սիգաւի ծուխը հրճուանքով արձակելով)

գլխից վեր) Տենցեվայնի վեչեր ըմ քինիլական... (Մարթան, հագիւ ծիծաղը զսպելով, դարձնալ յանդիմանաբար նայում է նրան:)

Տ. ԳԱԼ. Բայց որտեղ է տիկին Եզրինէն:

ՄԱՐ. Մի քիչ զբաղված է:

Տ. ԳԱԼ. Երևի, տնտեսութեամբ: Ախ, երանի նրան: Հաւատացնում եմ, ճաշելու ժամանակ չունիմ այդ տաճկահայերի ձեռքից:

Պ. ԳԱԼ. Էլ տալուց նըղացանք, աղպէր, օղբըն հն օղբ... (Մարթան, դարձնալ յանդիմանաբար նայում է նրան:)

Տ. ԳԱԼ. Զըկարծես, Մարթա, որ այսօր հիւր եմ եկել: Զերոնց հետ գործ ունիմ: Ախ, դուրիս տրաքում է, չգիտեմ որն անեմ կամ որի մասին մտածեմ:

Պ. ԳԱԼ. Զօրն ասեմ ես զորը խոստովանեմ: (Ծիծաղում է հազարով:)

ՄԱՐ. Շատ դժուար է գործիչ կանանց դրութիւնը:

Պ. ԳԱԼ. Ասում ըմ, ձեռ երկալ ասկի գործերից, օղբուչաղովդ պերապիր: Օ՛ղբ չի... (Ժպտում է:)

Տ. ԳԱԼ. Բարսեղ, մարդ մենակ իւր համար չըպիտի ապրի: Այսօրուայ օրն ամբողջ քաղաքում ես եմ մնացել ու մէկէլ տիկին Պամպադուրեանը, միւսները հեռացել են ասպարիղից: Այժմ բոլոր յոյսերս տիկին Եզրինէի վրայ է: Մենք վճռել ենք նրան էլ լծի տակ քաշել: Երիտասարդ, խելօք, զարգացած, նա շատ օգտակար կըլինի հասարակութեան համար: (Ննջարանի դռներից դուրս է գալիս Եզրինէն գունատ և յուզ-

ված:) Ահա և ինքը: (Համբուրվում է Եւզինիէի հետ:)  
Ես որ չըգամ ձեր տուն, դուք իսկի չէք էլ հարցնել  
մեռած եմ թէ կենդանի:

ՍՍՈ. (Առանձին:) Այդ մէկը Յուդայի համբոյր էր:  
ԵՒԳ. (Բարևանելով միս հիւրերին) Ներեցէք, այս  
քանի օրերս տկար էի, թէ չէ—վաղուց էի պատրաստ-  
վում ձեզ այցելելու:

Տ. ԳԱԼ. Տկանք էք: Դուք այժմ էլ, կարծես, ա-  
ռողջ չէք. դուք գունատ էք, մինչև անգամ դողում էք:

ՄԱՐ. Տիկինը ճիշդ է ասում, Եւզենէ, դու գու-  
նատ ես: Ի՞նչ պատահեց:

ԵՒԳ. (տ. Գալամքարեանի խորհրդաւոր հայեաց-  
քից շփովված) Ե՛ս... ճշմարիտ... ոչինչ. (Աշխատում  
է ժպտալ:) Գլուխս մի քիչ պտտում է, սիրտս բա-  
բախում:

Տ. ԳԱԼ. Արեան սակաւութիւնից կըլինի, այո,  
դրանից կարող է մարդու գլուխը պտտել: (Նստում է  
և քիչ ամուսնուն խորհրդաւոր:)

ԵՒԳ. Ոչինչ, անցաւ, նստեցէք խնդրեմ: (Նստում  
են:) Էհ, ասացէք, տիկին, ինչ նորութիւն, ինչով էք  
զբաղված:

Տ. ԳԱԼ. Միթէ տիկին Գալամքարեանին հարց-  
նել կարելի է, թէ ինչով է զբաղված: Հէնց հիմա  
այդ մասին էի գանգատվում: Չեզ մօտ էլ գործով  
եմ եկել:

ԵՒԳ. Հրամայեցէք:

Տ. ԳԱԼ. Մի նոր ընկերութիւն ենք կազմել, դուք  
էլ պիտի անդամ գրվէք:

ՍՍՈ. Ընկերութիւն ընկերական ոգին սպանելու  
համար—ահա բոլոր հայ ընկերութիւնների նպատակը:

Տ. ԳԱԼ. Դուք ամեն լուրջ բան կատակ էք դարձ-  
նում, պարոն Սառափեան:

Պ. ԳԱԼ. Կիրափառ ըս խօսքս, Սառափով:

Տ. ԳԱԼ. (Եւզէնէին:) Իսկապէս, ես սխալ ասա-  
ցի. ընկերութիւն չէ, այլ շատ մօտիկ ծանօթներից  
մի փոքրիկ շրջան:

ԵՒԳ. Նպատակը:

Տ. ԳԱԼ. Աղքատ հարսնացուներին օժիտ տալ:

ՍՍՈ. Պարոն Բարսեղ, շնորհաւորում եմ:

Պ. ԳԱԼ. Ի՛ի՛ի...

ՍՍՈ. Նոր ընկերութիւնը ձեր մաղազինի փոսած  
ապրանքները կընաղդացնի: (Մարթան թաքուն ծի-  
ծաղում է:)

Պ. ԳԱԼ. Ըմբօ, ես հիբի եմ փոսած ապրանք  
ծախալ...

Տ. ԳԱԼ. (Եւզինէին) Յուսով եմ, որ չէք մերժել:  
Անդամավճարը միանուագ երկու հարիւր լուրջի է:

ԵՒԳ. Չըբիտեմ: Ամուսնուցս կըհարցնեմ, յետոյ  
պատասխան կըտամ:

Տ. ԳԱԼ. Ձեր ամուսնուց: Ա՞յդ ինչ ասել է—խո-  
նարհութիւն, սէր, թէ երկիւղ:

ԵՒԳ. Ոչ մէկը կամ գուցէ երեքն էլ միասին:

ՄԱՐ, Կեցցես, Եւզինէ:

Պ. ԳԱԼ. Լիսիմ ես, Զարուհի, խոնարհութոն,  
սէր, երկեօղ, իրեքն էլ միասին լեաւ պեն ա հառ:

Տ. ԳԱԼ. Խոնարհութիւնն ու երկիւղը դէն գցեք,  
տիկին, սէրը պահեցէք, որովհետեւ մենք քսաներորդ  
դարի սկզբումն ենք ապրում:

ՍՍՈ. Բրաւօ, ազգը մեծ առաջադիմութեան մէջ  
Գ... (տ. Գալամքարեանի Սառափեանի վրայ ատելու-

Թեան հայեացք է ձգում:

ՄԱՐ. Ով սիրում է—նա պէտք է խոնարհվի և վախենայ: Խոնարհվի սիրելուց և վախենայ սիրուց զրկվելուց:

Պ. ԳԱԼ. Մի քիչ խրթին էր, ամա քէփս եկաւ: (Կնոջը:) Դու էլ վրեր մի քիչ խոնարհվիս, փիս չինի հաա: (Ժիծաղում ու հազում է:)

ԵՒԳ. Ո՞րտեղ կըկամենաք թէյ խմել, այստեղ, թէ սեղանատանը: (Ուզում է գնալ:)

ՄԱՐ. Իհարկէ, այստեղ: Սեղանատանը շատ տօթ է: Բայց դու մի գնար, ես ինքս կըկարգադրեմ: (Գնում է սեղանատուն, ձեռով նշան անելով Եւզինէին նստել: Եոյն վայրկեանին ներս են մտնում նախասննեակի դռներից Միհրանը, Սուլթաննանն եւ Վարսամեանը:)

## Տ Ե Ս Ի Լ Վ

Նրանք, Միհրան, Սուլթանեան եւ Վարսամեան:

ՄԻՀՐԱՆ (Բարեւելով ուրախ ու զուարթ) Հիւրեր, աւելի թանգազին սիւրպրիզ չէր կարող լինել ինձ համար: (Ստուգեանին): Աա, ֆուսկո՞վ, հասկացայ, Միրզաջանովների ճաշին ես եղել: (Գալամբարեաններին): Յուսով եմ, այս երեկոն լաւ կանցկացնենք: Հաղիւ կարողացայ այս անպիտանին (ցոյց տալով Սուլթաննանին) բերել այստեղ:

ԵՒԳ. (Սուլթաննանին) Միթէ այդքան ձանձրանում էք մեր տանը, որ ուժով են բերում ձեզ:

ՍՈՒԼ. Օ՞, ոչ, տիկին: Ես միշտ հողեպէս հան-

գատանում եմ ձեր ընկերութեան մէջ: Եթէ զբաղված չըլինէի, ես ինքս կըձանձրացնէի ձեզ իմ այցելութիւններով: (Հիւրերը նստում են: Վարսամեանը բռնում է մի համեստ անկիւն:)

Տ. ԳԱԼ. (Հեգնաբար) Արդեօք, ինչո՞վ է զբաղված մեր ինժեներ-տեխնոլոգը:

ՍՈՒԼ. (Չնո տալով) Նիւթականով, տիկին, նիւթականով:

ՄԻՀ. Եւզինէ, մեզ թէյ տալու են, թէ չէ:

ԵՒԳ. Ախ, Մարթան ամեն բան ուշացնում է: (Մտանում է սեղանատան դռներին, նայում ներս, յետ դառնում:) Իսկոյն:

ՄԻՀ. (Վարսամեանին) Համազասպ, ի՞նչ ես այդ անկիւնում թագնովել. մօտեցիր, տիկիւններին զբաղեցնելու, իսկ ես գնում եմ աղջկաս տեսնելու: Ամբողջ օրը չեմ տեսել նրան: (Գնում է:)

ԵՒԳ. Քնած է, զգոյշ, որ չըզարթեցնես:

Տ. ԳԱԼ. (Եւզինէին) Ի՞նչ քնոյշ հայրիկ է: (Դառնալով տղամարդկանց:) Պարոններ, ինչո՞ւ օրինակ չէք վերցնում պարոն Միհրանից: Տեսնում էք ամուսնական կեանքի քաղցրութիւնը: (Երժոնէն թէյ է ընրում ու ըստանում:)

ՍՈՒԼ. Ամուսնութիւնը, տիկին, վիճակախաղ է: Եթէ Միհրանի տոմսակը տարել է ամենախոշոր գումարը, այդ չի նշանակում, որ մեր տոմսակները փուչ չեն դուրս գալ:

Տ. ԳԱԼ. Ինչպէս Արաբաշեանինը: Ախ, իդէպս, կարգացել էք Թիֆլիսի քաղքներում այդ պատմութիւնը: (Նայում Եւզինէին:)

ՍՈՒԼ. Ինչպէս չէ, ուր գնում եմ, այդ մասին

եմ լուսմ: Դա մի սարսափելի դրամա է:

ՍՍՈ. (Որ գիտէ տիկին Գալամքարեանի յետին միտքը: ) Այո, դա եղեռնագործութիւն է և անմիտ եղեռնագործութիւն:

Պ. ԳԱԼ. Հունցոր Զարուհին ա ասըմ, թամամ բիաբուռչիթոն ա:

Տ. ԳԱԼ. Մի գործ, որ ամօթ է բերում մեր ինտելիգենցիային:

ՎԱՐ. (Որ զբաղված է գեղարուեստական իրերով ծածկված սեղանի մօտ, լուսանկարները դիտակով նայելով: ) Ինտելիգենցիան, արդեօք, ինչ դեր է կատարում այդտեղ:

Տ. ԳԱԼ. Պարօն Արաբալեանը համարվում է իւր կնոջ ինքնասպանութեան պատճառը, իսկ նա համար սարանական է:

ՎԱՐ. Եւ ինչ: Միթէ մի մարդու մեղքը պիտի ամբողջ դասակարգի վզին փաթաթել:

ՍՍԻԼ. Իմ կարծիքով, այդ Արաբալեանն այնքան էլ արժանի չէ այն հալածանքին, որին ենթարկել է նրան հասարակական կարծիքը:

ՄԻՀ. (Ներս է մտնում) Գնած է, հարբածի պէս: (Նստում է Եւգինէի մօտ եւ սկսում ականջ դնել խօսակցութեանը:)

Տ. ԳԱԼ. Դուք արդէն չափազանց ներողամիտ եք դէպի Արաբալեանը: Երևի, գործին լաւ ծանօթ չէք: (Ներս է մտնում Մարթան մի ըստակ թէյ ձեռին խառնելով:)

ՍՍՈ. Ես էլ լաւ ծանօթ չեմ այդ գործին:

ՄԻՀ. Այդ ինչ է, Բաթումի դրամայի մասին եք խօսում: Օօ, ես շատ լաւ գիտեմ: Թիֆլիս եղած ժա-

մանակա մի օր մտայ պալատը և կարդացի ամբողջ գործը: (Եւգինէին: ) Ես քեզ դեռ չեմ պատմել:

ԵՒԳ. Ոչ, բայց մի քանի ըոպէ առաջ կարդացի լրագրում:

ՄԻՀ. Օօ, ոչ, ես աւելի մանրամասն գիտեմ: Դա մի նշանաւոր երևոյթ է:

Տ. ԳԱԼ. Հապա, հապա, պատմեցէք, շատ հետաքրքրական է:

ՄԻՀ. Ես կը պատմեմ միայն էականը: Այդ Արաբալեանը Արաբալեանը յամառ կերպով, նախադրեալ միտումով և սխտեմատիքաբար հալածել է իւր կնոջը: Հալածել է գիշեր-ցերեկ, անդադար, որպէս զի յուսահատեցնի նրան: Նա զրկել է կնոջն ամեն հաճոյքից, երբեմն չի թողլ տուել ուտել անգամ, հետը խօսել է միշտ կոպիտ, շատ անգամ հայհոյանքներով: Ամեն քայլում յիշեցրել է նրան իւր անցեալի տխուր սխալը և խայթել, խայթել է կարիճի պէս: Եւ այս բոլորն այն օրից, երբ կինն անկեղծ, ազնուաբար, կարող եմ ասել նոյն իսկ հերօսաբար, խօստովանել է իւր անցեալի սխալը: Նա ներում է խնդրել մարդուց արտասուքը աչքերին, ոտներին ընկած: Մի մոռացէք, որ այդ սխալն անբաղդ կինը գործել է գրեթէ մանուկ հասակում: Մարդու սիրտը չի մեղմացրել, նա չի ներել: Նա, ընդհակառակը, պահանջել է թշուառից անձնասպանութիւն գործել: Նա թոյն է բերել տուն, դիտամբ թողել է կնոջ ննջարանում, սեղանի վրայ: Նա ուզեցել է ազատվել կնոջից իւր պատին իբրև մաքրելու համար: Եւ մաքրել է — տիկին Արաբալեանը թունաւորվել է, թունաւորելով արգանդում և՛ մի անգամ էակի: Ահա

1606



մուսյլ եղելութիւնը: Հետաքրքրական է կնոջ տանջանքը, բայց այդ մի սարսափելի տրագեդիա է, որ ես չեմ նկարագրել, խնայելով ձեր ներկերը:

Տ. ԳԱԼ. (Շայտելով Եւգինէին) Կարելի է երևակայել: ՍՈՒԼ. Եւ միթէ այդ մարդը, որին դու գրեթէ հրէշացրիր, ինքը չի տանջվել:

ԵԻԳ. (Որ այս խօսակցութեան ամբողջ միջոցին, մի անկիւնում, սակայն հասարակութեանը նկատելի տեղ, նստած, խորին ուշադրութեամբ լսում է, նրբմմ ցնցվելով) Տանջվել է:

ՄԻՀ. Այո, տանջվել է և այժմ էլ տանջվում է: Նրա հոգեկան դրութիւնն էլ մի տրագեդիա է, բայց ինչ է այդ տրագեդիան գործված յանցանքի համեմատ:

ՄԱՐ. Եւ ինչը պիտի տանջէ նրան իսկապէս, ցանկալի է իմանալ:

ՍՈՒԼ. Խղճի խայթոցը:

ՎԱՐ. Խղճի խայթոց... (Հնգնաբար) Էհ, պարոններ, ում չի յայտնի, թէ ինչ է խիղճ ասված բանը ոմանց համար: Նեղն ընկած ժամանակ ամենազգայուն մարդն անգամ իւր խղճի առջև դուրս է բերում այնպիսի ճարպիկ կօմպրօմիսներ, որոնք կամաց կամաց հանգստացնում են նրան ու թմրեցնում:

Տ. ԳԱԼ. (Շարունակելով նայել Եւգինէին) Այո, ճիշդ է, բայց հասարակական կարծիքը:

Պ. ԳԱԼ. Լօխ էլ թըրում ըն անասնուածի իրեսին:

ՍԱՌ. Լօխ: Ոչ, պարոն Բարսեղ, հասարակական կարծիքն օպերետային դատաւոր է. աւաղակին դատելով, նոյն աւաղակի հետ կանկան է պարում: (Բողորը ծիծաղում են, ըսցի Եւգինէից)

Պ. ԳԱԼ. (Հազալով և ծիծաղելով) Գեափդ ինի:

Սուսիով:

ՎԱՐ. Մենք գիտենք միայն վրդովվել, իսկ պատժել—երբէք: Կանցնի մէկ, շատ շատ երկու տարի, ամեն ինչ կըմոռացվի, և դուք, ես, բոլորս նորից կըսկսենք սեղմել նոյն Առաքել Արաբաշեանի ձեռքը, նորից յարգանք ցոյց տալ նրան:

ՍԱՌ. Այդ Արաբաշեանը յիմար է: Եթէ ես լինէի նրա տեղը, կըստիպէի այն անպիտանին կնոջս հետ ամուսնանալ, ինքս էլ խաչեղբայր կըլինէի: (Բողորը ծիծաղում են, ըսցի Եւգինէից)

Պ. ԳԱԼ. (Միծաղելով ու հազալով) Վըէյ, մըեռայ, Սուսիով, մըեռայ...

Տ. ԳԱԼ. Իսկ դձուք, պ. Սուլթանեան, ինչ կանէիք: ՍՈՒԼ. Ես կարճակէի կնոջս, ապահովելով նրան նիւթապէս: (Երկունէն գալիս է եւ ըստակները հաւարում)

ՄԱՐ. Ո՞վ է էլի թէյ ցանկանում: (Բողորը լուռ հրաժարվում են)

Տ. ԳԱԼ. Իսկ դձուք ինչ կանէիք, պարոն Ալվերգեան, եթէ այդ Արաբաշեանի տեղը լինէիք: (Եւգինէն ցնցվելով, ուշադրութիւնը լարում է)

ՍԱՌ. (Առանձին) Օ՛հ...

ՄԻՀ. Ե՞ս... Կըներէի:

Տ. ԳԱԼ. Շեր կնոջ անպատուութիւնը...

ՄԻՀ. Այո:

ԵԻԳ. (Յանկարծ արձակում է թեթեւ ծիշ) Ա՛հ...

ԱՄԵՆՔԸ: Ի՞նչ պատահեց:

ՄԻՀ. (Վախեցած, ոտքի կանգնելով) Եւգինէ...

ԵԻԳ. Ոչինչ... (Աշխատում է ժպտալ) Կայծակը...

ՍԱՌ. (Մօտենալով լուսամուտին) Եւ ինչ կայծակ, Ահա և սարսափելի սրտուած: (Հսկում է ուրտում)

Պ. ԳԱԼ. Եղիա մարգարէի քիւրքը ճղեցին:

ՍՍ.Ռ. (Ծիծաղում է) հա հա հա, քիւրքը:

Տ. ԳԱԼ. (Մտնում է Եւզինէին եւ սուր հայեացքով նայում նրա նրբսինն) Դուք կայծակից էք աւելի վախենում, թէ՛ փոթորից: (Եւզինէն տխուր ժպտում է:) Ինչո՞ւ ընդհատեցիք հետաքրքրական խօսակցութիւնը: (Նստում նն:) Հա, ուրեմն, պարոն Միհրան, դուք կընտրէիք:

ՍՌԻԼ. Այդ ինձ համար անհասկանալի է:

ՄԱՐ. Միհրան, այդ ինչ ես ասում:

Պ. ԳԱԼ. Էդ հո՞ւնց կընտրէիր, խեղբս իսկի պէն չի կարում:

ՍՍ.Ռ. Այո, հո՞ւնց:

ՎԱՐ. (Ոտքի է կանգնում, յանկարծ ողբերկով լով) Ձեռ հատկանում, ինչո՞ւ է ձեզ զարմացնում Միհրանի եղածը: Միթէ տիկին Արաբաշեանն անբարոյական է ասել: Անպիտանի մէկը նրան մոլորեցրել է համարեա թէ մանուկ հասակում— օրիորդը տաանուհինգ տարեկան է եղել: Միթէ դա այնպիսի մեծ յանցանք է, որի համար ամուսինը պիտի տանջէր նրան մինչև ինքնասպանութիւն: Սօսցէք խնդրեմ, ո՞ր տղամարդն է մինչև ամուսնութիւն իրան մաքուր պահում: Կարող էք ցոյց տալ մի այդպիսի տղամարդ: Ի՞նչու կանայք ներում են մեզ մեր ամենազղուելի կեղտերն, իսկ մենք չենք ուզում ներել նրանց սխալը: Ես թոյլ եմ տալիս, որ Արաբաշեանը կարող էր չափազանց կատաղել կնոջ դէմ նրա անցեալի պատճառով: Թոյլ եմ տալիս, որ նա պիտի իրան խայտառակված համարէր: Բայց ո՞ւր էր այդ մարդու ներքին դատաւորը, որ յիշեցնէր նրան իւր սեպհական անցեալը, ուր անշուշտ

կան կեղտեր: Ինչո՞ւ թշուառ կինը ներել է նրան այդ կեղտերը, իսկ ինքը ոչ: Որովհետեւ մէկը կին է, միւսը տղամարդ: Որովհետեւ հասարակական կարծիքի ամբողջ լուծը կանանց վրայ է ծանրացած: Բայց չէ որ այդ անարդարութիւն է, սոսկալի անարդարութիւն: Եւ ինչո՞ւ դոնէ մի անգամ չըբողոքել անարդարութեան դէմ: (Տիրում է մի քանի վայրկեան լռութիւն: Եւզինէն, իւր խոովութիւնը թազցնելու համար, մտնում է դաշնամուրին եւ սկսում կամացուկ, դողողոջուն ձեռներով եւ ներկային քրքրել նստաները: Տ. Գալաթարեանը շարունակ դիտում է նրան, իսկ Սառափեանը դիտում է տիկ. Գալաթարեանին: Միհրանը, լքսելով Վարսամեանին, հաւանութեան նշաններ է անում:)

ՍՌԻԼ. Տարօրինակ բողոք: Մոռանամ հարազատ կնոջ կեղտը, թէ ինչ է բողոքում եմ անարդարութեան դէմ: Ազատիր ինձ այդ տեսակ բողոքից:

ՎԱՐ. Սխալը, պարոն Սուլթանեան, և ոչ կեղտը, սխալը: Սակայն կարելի էր և՛ կեղտը մոռանալ, եթէ մեր աշխարհահայեացքն աւելի լայն լինէր: Ով գիտէ, դուցէ ապագայում հասկանանք, որ տղամարդի և կրնոջ բարոյական պարտաւորութիւնները հաւասար են, հասկանանք նաև, որ յանցանք ներելը յանցանք դործել չէ: Իսկ սխալը, յափշտակվելը, անպիտաններից խաբվելն այժմ էլ կարող ենք ներել, պէտք է ներենք, մինչև անգամ պարտաւոր ենք ներել:

ՍՌԻԼ. Այդ մասին ես ձեզ հետ կըվիճեմ յետոյ: Այժմ թողնենք, տիկին Եւզինէն ձանձրանում է:

Տ. ԳԱԼ. Ես այդ վաղուց եմ նկատում:  
ՍՍ.Ռ. Խնդրենք տիկնոջը, մեզ համար մի բան նուագի:

ՍՈՒԼ. Այ, այդ ես հասկանում եմ: Տիկին, մի գրկէք մեզ հաճոյքից:

ՍՍՈ. Եւզինէն նազ անողներից չէ:

Պ. ԳԱԼ. Ըմբօ, խէ պըտի նազ անի, խէ, մունք հո՞վընք: (Եւզինէն նստում է դաշնամուրի մօտ եւ նուազում ձեռքն ընկած սուաջին նստան: Վարսամեանն եւ Մարթան մի անկիւնում վիճում են: Միհրանը ծըխելով անցողարձ է անում խորքի պատի տակ հանդարտ քայլերով:)

Տ. ԳԱԼ. (Առանձին ամուսնուն:) Նկատեցի՞ր քանի անգամ դոյնը փոխեց:

Պ. ԳԱԼ. Ա. կնիկ, թողար տեսնենք, պէն չունիս...

ՍՍՈ. (Պատուաւ: Լսում է, յետոյ:) Հիանալի է, հիանալի... Բայց այդ, կացէք, կացէք, այդ ծանօթ բան է...

ԵՒԳԻՆԷ Ծօպէնի նօկաիւրն է «Կաթիլ» անունով. ես շատ եմ սիրում... ամբողջ օրը պիւպետրի վրայ է... Ոչ—մեկանխօսիլա, ոչ—վիշտ, այլ հիւանդ հոգու տառապանք: (Կամաց-կամաց ձեռները թուլանում են, գլուխը թեքվում է կրծքին:)

ՄՍԲ. (Մօտենալով Եւզինէին:) Ահ, ինչ պատահեց, դու գունատվեցիր: (Եւզինէն նուաղում է:) Ուշքը գնում է... Զո՛ւր... (Բոլորը շփոթվում են, շրջապատելով Եւզինէին: Ստուափեանը ջուր է մօտեցնում:)

ՄԻՀ. (Վախեցած) Եւզինէ... (Զորում է նրա առջեւ:)

Տ. ԳԱԼ. (Ամուսնուն) Լաւ ուշադրութիւն դարձրու, այդ բոլորը նրանից է...

Պ. ԳԱԼ. Փիէ...

ԵՒԳ. (Ուշքի գալով) Ոչինչ, ոչինչ, մի վախենար: (Միհրանի օգնութեամբ վեր է կենում, ձեռքն անելով

ժպտալ:) Կայծակն ինձ վախեցրեց: (Հիւրերին:) Ներեցէք, խնդրեմ, գլուխս պտտեց, ուրիշ ոչինչ... Անցաւ, բոլորովին անցաւ: Նստեցէք, ուրիշ բան կընուագեմ... (Սկսում է նուազել ուրախ քան: Բայց հիւրերն այնքան շփոթված են, որ չեն վստահանում ձանձրացնել տանտիրուհուն:)

Պ. ԳԱԼ. Էդ մուզիկը որ կայ մարդու արինը տակն ու վրայ ա անըմ...

ՍՈՒԼ. (Պատուաւ:) Գոնէ ես չէի կամենալ ձեզ ձանձրացնել, տիկին: Գուք, երեի, տկար էք կամ յոգնած, հանգստացէք...

ՄԻՀ. (Դաշնամուրի կափարիչը ծածկելով) Ես քեզ արգելում եմ...

Տ. ԳԱԼ. Բարսեղ, գնանք...

ՄԻՀ. (Տիկին Գալամբարեանին:) Գուք կըներէք...

Տ. ԳԱԼ. Ի՞նչբան կայ: Ես առանց այդ ներելու էլ երկար մնալ չէի կարող: Ես գործով էի եկել: (Եւզինէին, որ տակաւին գունատ կանգնած է դաշնամուրի մօտ:) Զբոսանաք իմ առաջարկութեան մասին պարօն Միհրանից թոյլտուութիւն խնդրել:

ՄԻՀ. Այդ ինչ թոյլտուութիւն է:

ՍՍՈ. (Հեգնաբար) Տիկինը մի նոր ընկերութիւն է հիմնել, առաջարկում է Եւզինէին անգամ գրվել: Մի խօսքով, երկու հարիւր ութըրու գործ է:

ՄԻՀ. (Տիկ. Գալամբարեանին) Իմ ամուսինն ազատ է անելու, ինչ-որ ցանկանում է, իսկ իմ դրպանը միշտ նրա տրամադրութեան տակ է:

Տ. ԳԱԼ. (Եւզինէին խորհրդատր) Լսում էք, ազատ էք անելու, ինչ կամենում էք: Գնահատեցէք, ցըտեսութիւն:



Պ. ԳԱԼ. Ձեզ տեսութոն: Սուսուփով, թաթդ տոր տեսնեմ, քը մատաղ: (Սնդմում է ձեռը:)

(Հիւրերը գնում են: Միհրանն ու Մարթան ուղեկցում են նրանց մինչեւ նախասենեակ:)

ՍՍ.Ռ. (Դռների մօտ, բոլորից թաքուն ընկելով Միհրանի թևը) Մօտդ յիսուն ութը ի կայ: (Միհրանը վարտիկի գրպանից հանում է ու տալիս երկու հատ միլիամետր 25-անոց:) Մերսի... (Մօտենում է Եւզինէին, որ կանգնած է սենեակի մէջտեղում:) Եւ շատ լաւ ես անում, որ այդ խորամանկ տիկին Գալաթիայեանին պատիւ չես անում մինչև նախասենեակ ճանապարհ դնելու: Յետոյ կասեմ պատճառը: Յըտեսութիւն: (Դռների մօտ հանդիպում է Միհրանին ու Մարթային:) Յըտեսութիւն: (Գնում է:)

Տ Ե Ս Ի Լ VI

Եւզինէ, Միհրան եւ Մարթա:

Մինչև Միհրանի եւ Մարթայի վերադառնալն Եւզինէն ժողովում է ուշքը բոլորովին եւ ժպտում նրանց երեսին:

ՄԱՐԹԱ. Դու մեզ վախեցրիր, Եւզինէ, միթէ կարելի է այդչափ ներվային լինել:

ԵԻԳ. Գատարկ բան էր, անցաւ, չարժէ մտածել...

ՄԻՋ. Ես քեզ հարիւր անգամ խնդրել եմ երբ օրամագիր չես—հիւրեր չընդունել: Ինձ համար քո հանգստութիւնն ամեն բանից թանկ է:

ՄԱՐ. Լրագրները սրտեղ թողեցիր:

ԵԻԳ. Քո սենեակում, սեղանի վրայ:

ՄԱՐ. Ընթրիքի չըսպասէք ինձ: (Գնում է ձախ կողմի սրկրորդ դռներով:)

Տ Ե Ս Ի Լ VII

Միհրան եւ Եւզինէ:

ՄԻՋ. (Պատուաւ) Վերջապէս, մենակ ենք: (Համբուրում է:) Նստիր: Ես ուզում եմ մի բանի մասին խօսել քեզ հետ: (Նստում են ըստ ընդհանրապէս վրայ դէմ ու դէմ:): Մի վախենար, վախենալու ոչինչ չըկայ: Գիտես ինչ, Եւզինէ. ահա մի քանի ամիս է քեզ փոխված եմ տեսնու՞մ: Կարծես, քեզ անհանգստացնում է ինչ-որ վիշտ, հոգս, վերջապէս, մի միտք եւ քանի գնում է, այդ փոփոխութիւնն աւելի ու աւելի նկատելի է դառնում: Ասա, ինչ է պատահել:

ԵԻԳ. (Վերկենալով) Այդ մասին այսօր ոչինչ մի հարցրու:

ՄԻՋ. Ներողութիւն, դու իրաւունք ունիս: Դու տկար ես, դնա, ուրեմն, հանգստացիր: (Վեր է կենում:)

ԵԻԳ. (Կնքշաքար) Նեղացոր: (Ժպտալով) Ես տկար չեմ, անցաւ, մի նեղանար:

ՄԻՋ. Բայց դու ինձ խաբել չես կարող, դու մի հոգս ունիս, մի կեղծիր, կեղծելը քեզ չի սազում:

ԵԻԳ. (Հառաչելով) Ձի սազում... (Ճակատը շփելով:) Թող ինձ, ես ուզում եմ քեզ համար նուազել...

ՄԻՋ. Երաժշտութիւնը քեզ յուզում է:

ԵԻԳ. Երբ հիւրերի ներկայութեամբ եմ նուազում, իսկ երբ հիւրեր չըկան, հանգստութիւն է տալիս իմ ներվերին: (Նստում է դաշնամուրի քով: Միհրանը տարակուսած կանգնում է նրա մօտ: Եւզինէն սկսում է նուազել ինչ-որ մեղամաղձոտ եղանակ, քայքայ շու-

տով թողնում է եւ գլուխը թնքում կրծքին ու լուսւմ: Պաուլոս: Ոչ, չեմ կարող, ձեռներս չեն շարժվում: (Միհրանն ուսերը քարծրացնելով, տարակուսած նայում է նրան շարունակ: Օօ, ի՞նչ սօթ է, կարծես, օգ չըկայ: (Վեր է կենում, լուսամուտներից մէկի վարագոյրը յետ քաշում, յետոյ փնդկը բաց անում:)) Ի՞նչ հիանալի երեկոյ է, անձրեկից յետոյ լուսին: Ի՞նչ մաքուր է երկինքը: (Մօտենում եւ պակսեցնում բրօնզեայ լամպարի լոյսը: Ենքս է սիւնովում լուսնի մեղմ կաթնագոյն լոյսը:)

ՄԻՉ. Բայց ցուրտ է, կարող ես մրսել, հեռնուկաց: (Բռնում է թնկից եւ լուսամուտից հեռացնում: Յետոյ լուսամուտը ծածկում է, լամպարի լոյսն աւելացնում եւ նայում նրան ուշադիր:)

ԵԻԳ. Երանի թէ մրսէի ու հիւանդանայի: Երանի մեռնէի: Ախ, Տէր Աստուած, որքան անտանելի է:

ՄԻՉ. (Պաուլոս:) Եւզինէ, նայիր ինձ... (Մօտենում է ու ձեռից բռնում:) Ես քեզ միշտ խելօք կին եմ համարել...

ԵԻԳ. Խելօք... մի ասա այդ բանը:

(Լուռ սեսարան)

ՄԻՉ. Դէհ, ասելու ես թէ ինչի մասին ես մտածում:

ԵԻԳ. Ասեմ: Լաւ: Նստիր ահա այստեղ: (Շտտում են:) Լսիր, ես վաղուց ուզում էի քեզ պատմել մի պատմութիւն, հէքեաթ, ինչպէս կամենաս հասկացիր: Ես այդ կարգացել եմ չրդիտեմ ինչ գրքում և երբ, բայց ինձ վրայ շատ խոր ազդեցութիւն է արել: Լսում ես:

ՄԻՉ. Լսում եմ:

ԵԻԳ. Եղել է չի եղել, չրդիտեմ ուր, ասենք հեռու Արեւելքում, Արաբիայի թէ Հնդկաստանի մի հարուստ քաղաքում մի աղքատ այրի: Նրա ամուսինը, մի աղնիւ ու քաջ զինուոր, մեռնելով, իւր կնոջ ու միակ աղջկայ համար չի թողնում ոչ մի ժառանգութիւն, բացի իւր զէնքերը: Բայց աղջիկը մօրից ժառանգում է մի հոգեկան յատկութիւն— ծայրայեղ ինքնասիրութիւն: Այդ աղջիկը ոչ շատ գեղեցիկ է եղել ոչ ազեղ, ոչ շատ խելօք և ոչ յիմար: Մայրը սիրում է նրան աւելի քան իւր աչքի լոյսը, փայլալուստ է մայրական անկաշառ սիրով: Ոչինչ չի խնայում նրա համար, տալիս է նրան իւր կարողութիւնից աւելի ուսում և կրթութիւն:

ՄԻՉ. Այդ հետաքրքրական է, յետոյ...

ԵԻԳ. Մի օր այդ աղջկան տեսնում է մի աղնիւ, եռանդուն, խելօք մարդ (նայում Միհրանի աչքերին), մի խօսքով, մարդ, հաւանում է և խելոյն վճռում նրա հետ ամուսնանալ: Մայրն ուրախութեամբ համաձայնվում է: Աղջիկը չի սիրում այդ մարդուն, երկար ժամանակ կուռում է ինքն իւր հետ, բայց յետոյ նոյնպէս համաձայնվում է... (զգացված) իւր մօրը բաղդաւորացնելու համար: Նա ամուսնանում է աղնիւ մարդու հետ առանց սիրոյ, բայց յետոյ, երբ ճանաչում է նրան, սկսում է ոչ միայն սիրել, այլ ուղղակի պաշտել, պաշտել ինչպէս կուռք: Իսկ բարի մարդը սիրում է նրան, հաւատում և չրճապատում է շքեղութեամբ և այն բոլորով, ինչ որ գեղեցկանում է կնոջ կեանքը...

ՄԻՉ. (Պաուլոս:) Յետոյ...

ԵՒԳ. (Հառաչելով ու ծակատը շփելով) Բայց շուտով մարդու երախտիքը սկսում է ուտել նրան— ուտել ցեցի պէս: Չէ որ նա չքաւոր ծնողների զաւակ է: Մարդը նկատում է նրա վիշտը և պատճառը հարցնում: Մի օր կինն ընկնում է նրա ոտներին և ասում. «քո անհուն սէրն է ինձ տանջողը... ես մեծ պարտքի տակ եմ— ահա իմ վիշտը: Ես ինքնասէր եմ, չեմ կարող տանել այդ պարտքը:» Աղնիւ մարդն ապշած արտասանում է. «դու խելագար ես, առաջին անգամըն եմ տեսնում, որ սիրող կինն իւր ամուսնու սիրուց տանջվի»: «Այո, պատասխանում է կինը, քո սէրն է ինձ տանջում: Մի սիրիք ինձ և ոչ միայն մի սիրիք, այլ և ասիր, վարվիք հետս կոպիտ, ծեծիք ինձ, հայհոյիք, և ես պակաս կըտանջվիմ:» (Պատուգա:) Մարդը չի կատարում նրա տարօրինակ խնդիրը: Այն ժամանակ ինքնասէր կինը կամաց-կամաց մաշվում է վշտերից, թողախա է ստանում ու մեռնում: (Պատուգա:) Ահա և ամբողջ հէքեաթը: (Վեր է կենում:)

ՄԻՆ. (Որ խորասուզված լսում է մինչեւ վերջը, մի փոքր լռութիւնից յետոյ:) Եւ դա հէքեաթ է:

ԵՒԳ. Հէքեաթ...

ՄԻՆ. Դու բոլորը պատմեցիր:

ԵՒԳ. Բոլորը:

ՄԻՆ. (Ոտքի է կանգնում կամացուկ, նայելով Եւզինէի երեսին:) Ոչ, կարծեմ մի բան մոռացար: Այդ հէքեաթն ինձ ծանօթ է: Ինքնասէր կինը լինում է բարոյապէս իւր մարդուց շատ բարձր: Այնքան բարձր, որ մարդու բոլոր արժանաւորութիւնները նսեմանում են նրա մօտ: Ինքնասէր կինը լինում է այն-

քան դրաւիչ, այնքան հրապուրիչ, որ իւր մի ժպտով վարձատրում է ամուսնու բոլոր բարութիւնները (Համբուրում է:) Եւզինէ, դու չես կարողանում հէքեաթներ պատմել, աւելի լաւ է պատմիր եղելութիւն:

ԵՒԳ. Եղելութիւն: (Պատուգա: Մի՛րանը նայում է նրան: Եւզինէն երկու ձեռները դնում է նրա ուսերի վրայ, նայում աչքերին:) Որքան բարութիւն կայ քո աչքերում: (Չայնը դողդողում է:) Իսկ ես... (Աչքերը լցվում են արտասուքով:) Բաւական է... (Չեռները վերցնում է Մի՛րանի ուսերից եւ հեկեկալով վազում դէպի ննջարան:)

ՄԻՆ. (Ապշած նայում է նրա ետեւից եւ, երբ Եւզինէն բոլորովին անհետանում է, պատուգա:) Չեմ հասկանում... (Չնոր սեղմում է ծակատին:)

Վ Ա Ր Ա Գ Ո Յ Ր

# ԱՐԱՐՈՒԱԾ Բ.

Նոյն սենեակը, նոյն կահ-կարասին ցերեկով: Գէսօրուայ մէկ ժամն է: Լուսամուտները դէպի փողոց բաց են: Յատակի նաև կահ-կարասիի մի մասի վրայ սփռվել են ապրիլի տան արեգակի ախորժեկի ճառագայթները:

## Տ Ե Ս Ի Լ Ի

Հռիփսիմե, Մարթա, յետոյ Եւգինե:

ՀՌԻՓ. (Ներս է մտնում նախասեննակի դռներից գլխարկով ու վերարկուով: Նայում է շուրջը: Ոչ ոքի չըտեսնելով, մօտենում է նախ Միհրանի առանձնասեննակի դռներին, ականջ դնում: Չայն չըլսելով, մօտենում է ննջարանի դռներին, ուզում է ներս մտնել, թողնում է մտադրութիւնը, յետ դառնում: Չախ կողմի խորքի, այն է սեղանատան՝ դռներից ներս է մտնում Մարթան հագնված՝ գլխարկով) ԱՏ, սրտեղ էք: (Համբուրվում են:) Մտնում եմ ներս, ոչ ոք, ազախին էլ չըկայ, իսկ դռները բաց գողերի համար:

ՄԱՐ. Այդ, երեի, Միհրանն է մուտացել ազախնին կանչել, որ դռները փակի: Նա մուտացկոտ է:

ՀՌԻՓ. Ժենեան տանն է:

ՄԱՐ. Այո: Ուշ է զարթնել, հագնվում է:

ՀՌԻՓ. Նոր: (Նայելով իւր ժամացոյցին:) Մէկն է, չըլինի թէ հիւանդ է:

ՄԱՐ. Չըգիտեմ: Բայց ահա Լ՛ ինքը: (Ներս է մտնում Եւգինէն ննջարանի դռներից: Նա հագած է տնային, բայց թանգագին կտորից նորածու կարած շրջագգետ:) Բարի կէսօր...

ԵԻԳ. Այո, ուշ եմ զարթնել: Միայն լուսաբացին եմ աչքերս փակել: (Համբուրվում է մօր հետ)

ՀՌԻՓ. Ինչո՞ւ:

ԵԻԳ. Կարդում էի:

ՀՌԻՓ. Ե՞րբ պիտի ձեռք վերցնես կարդալուց: (Մարթային:) Երեխայութիւնից գրքերի սիրահար է: Պատահել է, որ մի գիրք ուժով ձեռքից խլել եմ, թագցրել, կէս ժամ չանցած՝ մի ուրիշն է վերցրել: Ցաւ է էլի:

ԵԻԳ. (Մարթային:) Ո՞ւր ես այդպէս պատրաստվում:

ՄԱՐ. (Չեռնոցները հագնելով:) Ուզում եմ տիկին Սուրաթեանին այցելել: Բայց առաջ պիտի մտնեմ տիկին Գալամքարեանի մօտ: Միհրանն ինձ տըւեց 200 ուրբի, որ այսօր անպատճառ տանեմ այն նոր ընկերութեան համար:

ՀՌԻՓ. (Եւգինէին:) Մարդօն ինչ է անում, ասա է:

ԵԻԳ. Գայեակը նրան տարել է դէօսեցնելու: (Մարթային:) Մի տանիւր այդ փողերը:

ՄԱՐ. Ինչո՞ւ:

ԵԻԳ. Ես այդպէս եմ կամենում:

ՄԱՐ. Խնայողութիւն է այդ, թէ՛ կապրիդ:

ԵԻԳ. Ինչպէս կամենաս—հասկացիր, միայն այդ փողերը մի տանիւր:

ՄԱՐ. Լաւ: Վերցրո՞ւ: (Տալիս է փողերը)

ԵԻԳ. Պահիր մօտդ, կըվերադարձնես Միհրանին:

ՄԱՐ. Ձեմ հասկանում միտքդ: Դէհ, ներիր, մայրիկ, ես շտապում եմ, բայց շուտով կրվերադառնամ:  
 ՀՌԻՓ. Ես էլ երկար չեմ նստելու: (Մարթան գնում է:)

## Տ Ե Ս Ի Լ II

Եւգինե եւ Հոսիսիմե:

ԵԻԳ. Այդ ո՞ւր ես շտապում, մամա: Գլխարկդ վերցրու, միասին նախաճաշ կանենք:

ՀՌԻՓ. Ձէ, պէտք է գնամ հօրաքրոջը մօտ: Երկու ամիս է չեմ տեսել. ամօթ է: Նա քեզ շատ է սիրում, միշտ գովում է: Ով քեզ սիրում է, ես էլ նրան եմ սիրում: Դու ասա տեսնեմ, ինչո՞ւ այսօր աչքունքդ թթուած է:

ԵԻԳ. Ասացի, որ անքուն եմ եղել:

ՀՌԻՓ. Ախ, ճշմարիտ, ասացիր: Ուշքս տեղը չէ: Գիտես, ժենես, քո պսակվելուց յետոյ ուշքս իսկի վրէս չի լինում: Ուրախութիւնիցս է, ուրախութիւնիցս: Դու բաղդաւոր ես, ես էլ հարբածի պէս եմ: Աչքիս լոյս, հոգիս, (համբուրում է) օրից օր սիրու նանում ես, այ ինչ ասել է լաւ ապրել: Այդ ինչ է, էլի նոր հագնւոտ: Օխ, ոսկի է, ոսկի Միհրանը, թագուհու պէս է պահում քեզ: Երէկ մօտս էր, հարիւրերորդ անգամ գովեց քեզ: Ինձանից էլ շնորհակալ է, որ քեզ նման աղջիկ եմ պահել, մեծացրել նրա համար: Նա շատ ուրախ է քեզանով, շատ...

ԵԻԳ. (Հեզնաբար ծիծաղելով) Աւելի կուրախանայ, երբ ամեն բան կիմանայ:

ՀՌԻՓ. Նա ամեն բան գիտէ, ամեն բան: Ես նրան բոլորը պատմել եմ: Նա այնպէս սիրում է հօրը յիշատակը, որ ուզում է նրա անունով մի որդեգիր պահել:

ԵԻԳ. Այդ քեզ ինքն ասաց:

ՀՌԻՓ. Ինչպէս չէ, հէնց երէկ: Այ, կարծեմ, առաջիկայ սեպտեմբերից մէկին վերցնելու է:

ԵԻԳ. Ես չեմ թողնիլ:

ՀՌԻՓ. Բ՛նհ, ինչո՞ւ:

ԵԻԳ. Ձի հարկաւոր: Առանց այդ էլ մենք նրան շատ ենք պարտական:

ՀՌԻՓ. Պարտակա՞ն: Ինչո՞վ: Փառք Աստծու, ուրիշ զօրանչների պէս նրա շինքին չեմ նստել ու նրա հացով չեմ ապրում:

ԵԻԳ. Ես նրան արժանի չեմ...

ՀՌԻՓ. Ո՞վ ասաց արժանի չես: Պօլկոմլիկ Միրվելովի աղջիկն ո՞ւմ չի արժանի: Եթէ նա բարի է, խելօք, փող շատ է աշխատում, պատիւ ունէ, դու էլ գեղեցիկ ես, խելօք, հրեշտակի պէս մաքուր...

ԵԻԳ. (Հառաչանքը թագցնելով) Մաքուր, օօ, Տէր Աստուած, այս ինչ տանջանք է... (Վեր է կենում, մօտենում լուսամուտներից մէկին):

ՀՌԻՓ. (Մօտենալով նրան) Դու հիւանդ ես:

ԵԻԳ. (Արագութեամբ իջնելով իրան) Անքուն եմ, անքուն: Դու որ գնաս, ես պառկելու եմ անկողին...

ՀՌԻՓ. Ծառ լաւ կանես, որդի... ահա ես գնացի... (Համբուրվում է: Հսկում է զանգի ձայն):

ԵԻԳ. Ահա, տեսնում ես, մի ժամ հանգիստ չեն թողնում: Երևի, հիւր է: Ես գեռ մազերս կարգի չեմ

բերել: Մի փոքր սպասիր, ես իսկոյն կըգամ: (Գնում է ննջարանի դռներով: Երժնէն ներս է հրաւիրում Գաբրո Ագարեանին ասելով «Այստեղ են»):

### Տ Ե Ս Ի Լ III

Հոփսիմէ եւ Գաբրո Ագարեան:

ԳԱԲ. ԱՁ. (Հագնված է ծաշակով, նորածնէ Երեսին սիրալիք ժպիտ, ձեւերը նուրբ, ձայնը մեղմ եւ ըարեհամբոյր: Հնուից գլուխ տալով, մօտենում է Հոփսիմէին:) Յուսով եմ, չէք մոռացել:

ՀՈՒՓ. Վահ, Գաբր՞... Այդ ո՞ր Աստծուց: (Գաբրո Ագարեանը համբուրում է նրա ձեռքը, իսկ նա Ագարեանի ծակատը:)

ԳԱԲ. Փողի Աստծուց, մայրիկ, մամնայի: Ամենքը փողի համար այստեղ են վազում, ես էլ վազեցի:

ՀՈՒՓ. Շատ ուրախ եմ, որդի, համեցէք, նստիր, որտեղ քէֆդ է: (Գաբրոն նստում է ըագլիսթոռի վրայ, սպասելով սակայն, որ նախ Հոփսիմէն նստի:) Վահ վահ, աչքերիս չեմ հաւատում: Ասա է, ինչ կայ, գործով ես եկել:

ԳԱԲ. Հապա: Ինձ ուղարկել են այստեղ իբրև ներկայացուցիչ մի նոր ընկերութեան:

ՀՈՒՓ. Հո՞, ով գիտէ, հոր պիտի փորէք, նաւթ հանէք...

ԳԱԲ. Այո, այդպիսի մի բան: Ասացէք, ինչպէս էք, գո՞ւր, Եւգինէն: Լսել ենք, լսել ենք:

ՀՈՒՓ. (Պարծանքով ցոյց տալով շուրջը:) Տեսնում ես էլի, գիփ ժենեայիս համար է սարքած:

ԳԱԲ. (Դիտելով շուրջը:) Հիանալի է, շատ ուրախ եմ: Ասում են, շատ խելօք ու աղնիւ մարդ է ու շատ լաւ փաստաբան:

ՀՈՒՓ. Մի խօսքով, ժենեաս բաղդաւորվեց, գոհութիւն Աստծու: Էհ, ձերոնք ինչպէս են:

ԳԱԲ. Իմ քոյրն էլ անցեալ շաբաթ նշանվեց:

ՀՈՒՓ. Վահ, ասա, որ ուրախանամ է: Ո՞րն է նշանվել:

ԳԱԲ. Փոքրը, Լիզան...

ՀՈՒՓ. Ո՞ւմ հետ:

ԳԱԲ. Մի բժիշկ ուսանողի:

ՀՈՒՓ. Աստուած երկուսին էլ մեծ բաղդի արժանացնի: Հաւատա, որդի, քոյրերիդ էլ ու քեզ էլ միշտ հարազատ որդուս պէս եմ սիրել: Շատ ուրախ եմ: Աղջիկս բաղդաւորվելուց յետոյ ուզում եմ, որ ամբողջ աշխարհը բաղդաւորվի: Ախ, ինչպէս է սիրում, ինչպէս է սիրում ժենեայիս...

ԳԱԲ. (Ծխախոտի արծաթէ տուփը գրպանից հանելով:) Կարելի է:

ՀՈՒՓ. Իհարկէ, վահ, մոռացել ես, որ ես էլ եմ ծիսում:

ԳԱԲ. (Առաջարկում է ծխախոտ:) Ես ձեր ոչ մի սովորութիւնը չեմ մոռացել: Այս շատ լաւ պապիրոս է: (Հոփսիմէն վերցնում է ծխախոտ: Ագարեանը վառում է լուցիկ, նախ տալիս է նրան ծխելու, ապա ինքն է ծխում:) Ինքը Բողարճեանցն է յատուկ ինձ համար պատուիրել իւր գործարանում: Մի մեծ արկղ բերել եմ հետս: Եթէ թոյլ տաք, վաղը մի բանի հարիւր կուղարկեմ ձեզ համար:

ՀՈՒՓ. (Ծխելով:) Շատ լաւն է: Իսկի չես փոխ-

վել, էլի էն Գաբրօն ես, միշտ քաղաքավարի, բարի, կավալեր...

ԳԱԲ. Իսկ դուք փոխվել էք, չաղացել էք, շահելացել, սիրունացել...

ՀՌԻՓ. (Շոյված): Այս օրհնված քաղաքում ամենքը չաղանում են...

ԳԱԲ. Օրհնված: Այդ ինչիցն է, որ ուրիշներն անիծում են այս քաղաքը, իսկ դուք օրհնում էք:

ՀՌԻՓ. Մեզք են գործում անիծողները, որդի: Այս քաղաքի նման քաղաք չըկայ: Քո թիֆլիսն ինչ է որս մօտ: Այստեղ ամեն բան լաւ է: Մարդիկ խելօք են, աշխատասէր, իսկ բարութիւնն էլ մի ասա, այստեղ չար մարդ չըկայ: Մէկ էլ որ այստեղ նախանձ չըկայ, որդի: Իսկ թիֆլիսում, օհ օհ օհ, մարդ են ուտում: Եթէ ժենեա սո այստեղ այսպէս բաղդաւորվէր, ու ու ու, ամենքը նախանձից կըտրաքվէին, էլ բան չէր մնալ—չըհնարէին, որ աղջկա իւր մարդուց բաժանեն: Այստեղ մարդիկ ժամանակ չունին նախանձելու: Ահ, ինչ ուշացաւ ժենեաս: Ես մի քիչ վազում եմ, որդի, կըներես: Ահա գալիս է:

ԵԻԳ. (Ներս է մտնում եւ, նկատելով Գաբրօյին, ցնցվում է, շփոթվում եւ մնում անշարժ):

#### Տ Ե Ս Ի Լ Կ

Նրանք եւ Եւգիեն:

ՀՌԻՓ. (Ծիծաղելով): Չըճանաչեց...

ԵԻԳ. (Մօտենում է սեղանատան դռներին, մրտաձում): Երմոնէ (Շտապով ներս է մտնում Երմո-

նէն: Եւգիենն ուզում է նրան մի քան ասել, բայց մտածում է, վճռական շարժումն է անում, յետոյ ձեռով նշան է անում նրան հեռանալու: Երմոնէն գնում է զարմացած: Զարմացած է նաեւ Հոբիսիմէն):

ՀՌԻՓ. Ժենեա, չէս ճանաչում Գաբրօյին. մեր բարի, քաղաքավարի հարեան Գաբրօ Ազարեանին:

ԳԱԲՐՕ. (Եւգիենն դուրս գալու ընդհանր ոտքի է վեր կացել եւ անշարժ կանգնած ժպտալով սպասում է նրա հայեացքին): Երեւի, շատ փոխվել, ծերացել եմ: (Մօտենում է եւ կամենում Եւգիենի ձեռքը համբուրելու):

ԵԻԳ. (Ձեռք կամացուկ, մօրեց թազուն, խլում է նրանից): Բարեւ ձեզ...

ՀՌԻՓ. Հիմայ ճանաչեցիր:

ԳԱԲ. Աչքից հեռու—մաքից ընկած: Էհ, ինչպէս կըհրամայէք ձեզ անուանել այժմ: Առաջ ինձ համար փոքրիկ ժենեա էիք, իսկ այժմ Եւգենիա Պանիօզլա, թէ աիկին Ալվերդեան: (Առանձին): Տէր Աստուած, որքան գեղեցկացել է:

ՀՌԻՓ. Գաբրօն ամեն բան լաւ է Միհրանի մասին: Ժենեա, շնորհաւորիր նրան, Լիզան նշանվել է:

ԵԻԳ. (Անտարքեր): Այո:

ԳԱԲ. Այո, աիկին, թէ նշանվել է եւ թէ շուտով պիտի ամուսնանայ—գիտեմ, բայց թէ երկար ժամանակ կապրի մարդու հետ—Աստուած գիտէ:

ՀՌԻՓ. Ի՞նչ ես ասում, որդի, այ այ այ: Նստիր, ինչ ես կանգնել...

ԳԱԲ. Մեր ժամանակում կնոջ համար մարդուց բաժանվելն աւելի հեշտ է, քան ամուսնանալը:

ՀՌԻՓ. Էհ, դու էլի առաջուայ կատակասէրն ես:

Ժենեա, ես գնացի, բայց շուտով կըգամ: (Գարբոհն:)  
Այսօր, երևի, այստեղ կըճաշես, իսկ վաղն անպատ-  
ճառ իմ մօտն ես: (Վեր է կենում:)

ԵԻԳ. Մամա, աշխատիր շուտով վերադառնալ,  
գործ ունիմ:

ՀՌԻՓ. Լաւ, լաւ. (գնում է:)

### Տ Ե Ս Ի Լ Վ

Եւզիմե եւ Գարբօ Ագարեան:

ԵԻԳ. (Ուղեկցում է մօրը մինչեւ նախասենեակ,  
սպասում է մինչեւ նրա քոյրորդին դուրս գնալն եւ  
դռները ծածկում. յետոյ մօտննում է սեղանատան դռ-  
ներին, նայում դէպի ներս, դռները ծածկում. յետոյ  
կանգնում է ընմի մէջ տեղում ու նայում Գարբօին ու-  
րից մինչեւ գլուխ:)

ԳԱԲ. (Ամբողջ ժամանակ ոտքի վրայ աչքերով  
հետեւում է նրան. նրա դէմքն արտայայտում է մերթ  
զարմացում ու տարակուսանք, մերթ ուրախութիւն եւ  
հրճուանք: Վերջապէս: (Յարձակվում է Եւզիմէին համ-  
բուրելու:)

ԵԻԳ. (Առանց տեղից շարժվելու, ձեռք բարձրաց-  
նում է այնպէս խիստ, որ Ագարեանը բռնովում է  
տեղն ու տեղը. յետոյ նայում է նրան խորին արհա-  
մարհանքով. մի փոքր ժամանակ լռութիւն), Ես դրա  
համար չառանձնացայ ձեզ հետ:

ԳԱԲ. (Տակաւին ձեւացնում է, թէ չի հասկանում  
նրա իսկական տրամադրութիւնը, ժպտում է:) Ներիք,  
մօռացայ, որ կնոջ համար զգուշութիւնը կէս առա-

քինութիւն է:

ԵԻԳ. (Մղելով ինքն իւր հետ կռիւ, որպէս զի  
կարողանայ ստունարին լինել:) Ինչո՞ւ էք եկել:

ԳԱԲ. Ահա սիրող և յարգող բարեկամի համար  
աւելի քան անհասկանալի մի հարց: Ներիք, Ժենեա,  
չէի սպասում:

ԵԻԳ. (Վրդովվելով նրա ստունութիւնից:) Մի հա-  
մարձակվէք ինձ հետ խօսել եզակի:

ԳԱԲ. (Փոքր ինչ շփոթվում է, սակայն իսկոյն  
եշխում է իրան եւ Եւզիմէի տրամադրութիւնը կատա-  
կի վերածում:) Գարծեմ վարագոյրների ետևում ոչ ոք  
չի թագնված, թէ աղաղինը սովորութիւն ունէ դրան  
ետեից ականջ գնելու: Գեղեցկութեան թշնամին բամ-  
բասանքն է, իսկ բամբասանքի աղբիւրը— ծառաները:  
Մի պահէք, տիկին, հայ ծառաներ. նրանք չափից  
դուրս հետաքրքիր են...

ԵԻԳ. Թողէք ձեր կատակները և պատասխանե-  
ցէք. ինչո՞ւ համար էք եկել:

ԳԱԲ. Զարմանալի հարց, եկել եմ ինչպէս ուրիշ-  
ները, գործով, պաշտօնով...

ԵԻԳ. Իմ տունը, այստեղ:

ԳԱԲ. Աա, այդպէս ասացէք: Այցելութեան, Չէ  
որ մենք բարեկամներ ենք...

ԵԻԳ. Ուրեմն, լսեցէք. այդ կլինի ձեր առաջին  
և վերջին այցելութիւնը: Այս մէկ: Երկրորդ, դուք  
չէք համարձակվիլ ոտք գնել իմ մօր տունը: Հասկա-  
նում էք: (Աւատասանելով այս խօսքերը, մօտննում է  
լուսամուտներից մէկին եւ հայեացքը յառում դէպի  
փողոց:)

ԳԱԲ. (Հիասթափված, լռում է, խորհում, յետոյ:)



Արդեօք, խիտա չէք վարվում ինձ հետ:

ԵՒԳ. (Տակաւին պահպանելով սառնարիւնութիւնս) Յամենայն դէպս, վարվում եմ աւելի մեղմ, քան դուք վարվեցիք ինձ հետ:

ԳԱԲ. Ես ձեզ վրայ բռնութիւն գործ չեմ դրել:

ԵՒԳ. (Երեսն արագ դարձնելով դէպի նաս) Բռնութիւն: Դուք աւելի վատ միջոց էք գործ դրել: Եթէ լինէիք աւագակ և ինձ անպատուէիք, այսօր ես հազար անգամ պակաս կըտանջվէի: Բայց ոչ, դուք յափշտակեցիք ինձ քաղցր լեզուով, որ սրից ու կրակից զօրեղ է: Ձեմ հերքում, դուք ինձ դիւր էիք գալիս, որովհետև գեղեցիկ էիք: Բայց մի մոռանաք, որ կեանքն ինձ համար մի մթին աշխարհ էր: Ճշմարիտ է, մի օր դուք ինձ թուացիք ասպետ: Այնպիսի ասպետ, որ պատրաստ է իւր կեանքը վտանգի ենթարկել մի խեղճ աղքատ աղջիկ կրակից յազատելու: Բայց ինչ գիտէի, որ կրակը հէնց դուք ինքներդ էք: (Սկսում է անց ու դարձ անել:)

ԳԱԲ. Չբեկտէի, որ իմ սէրը ձեզ համար կրակ էր:

ԵՒԳ. Սէր: (Դառն ծիծաղ:) Հա հա հա, սէր: Ծաղր, խաբէութիւն, անարգանք և ոչ սէր: Ես մինչև այսօր չեմ կարողանում ինձ հաշիւ տալ, ինչպէս պատահեց այդ: Բայց այդ օրն ես ոչ միայն հաւատում էի ձեզ, այլև հաճելի էր ինձ՝ հաւատալ: Եւ դուք, օգտվելով այդ բանից, գործ դրեցիք ձեր լեզուն, այդ թունաւոր դեղը: Նա կամաց-կամաց վարկում էր արիւնս, սպանում էր իմ մէջ ամօթի զգացումը, և սպանեց: (Ընկղմվում է զահաւորակի վրայ եւ երեսն ամօթից ձեռներով ծածկում:)

ԳԱԲ. (Հսում է նրան, հեռում կանգնած, յետոյ

մի քանի քայլ մտննում:) Եւզինէ, այդ բոլորն անցած բաներ են: Ինչո՞ւ էք քրքրում անցեալն և ինքներդ ձեզ տանջում: Այն օրից յետոյ մենք մի քանի տարի էլ եղել ենք հարեաններ և... բարեկամներ:

ԵՒԳ. Ես ձեզ երբէք չեմ սիրել:

ԳԱԲ. Բայց չէք էլ առել, երբեմն մինչև անգամ թոյլ էք տուել ձեզ փաղաքշելու: Միթէ կարող էք հերքել այդ:

ԵՒԳ. (Ցնցվելով:) Օօ, զգուելի՛ր բոպէներ:

ԳԱԲ. Ինչո՞ւ: Չգուելի կըլինէր այն ժամանակ, եթէ այդ օրից յետոյ ձեզ չըհամբուրէի: Բայց ես ոչ միայն համբուրում էի, այլ և սիրում ձեզ: Այո, այո, սիրում էի և, վկայ է Աստուած, ուրախութեամբ կամուսնանայի ձեզ հետ, եթէ հանգամանքները ներէին: Իմ վզին մեծ լուծ կար—մայրս և քոյրերս: Աւելացրէք և՛ այն, որ այդ միջոցին ես անգործ էի: Այժմ, Եւզինէ, պէտք է մոռանալ անցեալն և ապրել նոր զգացումներով: Դուք ժամանակակից կին էք, կըրթված, զարգացած, դուք պիտի հեռու լինէք նախապաշարումներից:

ԵՒԳ. (Գլուխը քարձրացնելով, վեր է կենում:) Յետոյ... յետոյ:

ԳԱԲ. (Երախուսով լուր:) Այն օրից անցել է իննը տարի—մի ամբողջ յաւիտենականութիւն: Դուք տեղափոխվել էք օտար քաղաք, յաշող կերպով ամուսնացել և ահա մի տարուց աւելի է վայելում էք հանգիստ ամուսնական կեանք: Այժմ ոչ ոք չըգիտէ ինչ է եղել ձեր անցեալում, ոչ ոք, բացի ինձանից...

ԵՒԳ. (Չայրացած:) Ոչ ո՞ր: Սուտ էք ասում: Որ դուք գոնէ մի անգամ պարծեցած չըլինէք ձեր յաղ-

Թուժեամբ, դուք. հա հա հա: Ո՞վ չըզիտէ, որ դուք  
և ձեզիպէսները հէնց նրա համար էք ինձ նմաննե-  
րին մոլորեցնում, պատուից զրկում, որ յետոյ պար-  
ծենաք: Դա ձեր հերոսութիւնն է: Բայց բաւական է:  
Լսեցէք. ես ոչ միայն չեմ աշխատիլ ձեր լեզուի վրայ  
որ և է սանձ դնել, այլև կաղատեմ նրան ամեն մի  
սանձից: (Սկսում է անց ու դարձ անել:)

ԳԱՌ. (Ապշնլով:) Այդ ինչպէս:

ԵԻՓ. Կարդացել էք Արաբաշեանի մասին լրագր-  
ներում:

ԳԱՌ. Ի՞նչ էք ուզում ասել:

ԵԻՓ. Այն, որ ես կըհետեւիմ այն թշուառ կնոջ  
օրինակին:

ԳԱՌ. Եւ կըխոսասովանէք ձեր ամուսնուն:

ԵԻՓ. Այո՛:

ԳԱՌ. (Պատուա:) Դուք այդ չէք անիլ:

ԵԻՓ. Եւ ո՞վ կարգելի ինձ:

ԳԱՌ. Դուք չէք կամենալ ձեզ կործանել:

ԵԻՓ. Լաւ է կործանվել, քան թէ ապրել այնպէս,  
ինչպէս այժմ:

ԳԱՌ. Չէ՛ որ ձեր ամուսինը ձեզ սիրում է ու  
հաւատում, կընշանակէ նա ձեզ համարում է անարատ:

ԵԻՓ. Այո, բայց ես խիղճ ունիմ:

ԳԱՌ. Եւ մի՞թէ այդ խիղճը թոյլ կըտայ ձեզ մի  
հարուածով կործանել երեք կեանք: Ասում են ձեր  
ամուսինը լաւ մարդ է: Եթէ ձեզ չէք խնայում, խը-  
նայեցէք զոնէ նրան:

ԵԻՓ. Խնայել խաբելով, խնայել ստորութեամբ.  
խնայել այնպէս, ինչպէս խնայել եմ մինչև այժմ: Օօ,  
ոչ, դա խնայել չի նշանակում, այլ բարոյապէս կողոպ-

տել մի ազնիւ մարդու: Քիտէք ինչ ասել է խղճի  
խայթոց: Օօ, ոչ, եթէ գիտենայիք—այս տունը ոտք  
չէիք դնիլ: Իսկ ես գիտեմ: Մի տարի է նա ինձ տան-  
ջում է: Սկզբում դեռ ոչինչ, որովհետև գիտակցու-  
թիւնս թմրած էր, որովհետև Ալվերդեանին չէր սի-  
րում, որովհետև ամուսնացել էի նրա հետ հէնց այն-  
պէս, ինչպէս ամուսնանում է առհասարակ կանանց  
մեծ մասը: Բայց յետոյ սկսվեց տանջանքս, երբ սի-  
րեցի նրան: (Թե՛ծել պատուա:) Անցեալ օրն երբ այս-  
տեղ խօսում էին Արաբաշեանի մասին, ես հազիւ  
զսպեցի ինձ, որպէս զի հէնց հիւրերի ներկայութեամբ  
չընկնիմ ամուսնուս ստներին և շատեմ. «ես ևս մի  
տիկին Արաբաշեան եմ»: (Պատուա:) Բայց այն, ինչ-  
որ չարեցի այն օրը, կանեմ այսօր, որովհետև պար-  
տաւոր եմ անելու և չեմ կարող չանել... (Ընկղմվում  
է ըսկալածոռի վրայ եւ աչքերը յստում դէպի անո-  
րոջ տարածութիւն:)

ԳԱՌ. (Մի փոքր լռութիւնից յետոյ անվստահ  
ըայլերով մօտենում է, կանգնում նրա գլխի մօտ:  
Պատուա:) Ես լսել եմ, որ դուք ունիք մի սիրուն ե-  
րեխայ...

ԵԻՓ. (Յնգվում է) Երեխայ...

ԳԱՌ. Որին, երևի, սիրում էք թէ՛ դուք և թէ՛  
ձեր ամուսինը:

ԵԻՓ. Խեղճ փոքրիկ:

ԳԱՌ. Ահա հէնց այդ խեղճ փոքրիկի համար դուք  
պիտի խնայեք ձեզ...

ԵԻՓ. (Տակաւին ինքնամոռացութեան մէջ:) Խեղճ.  
Մարդօ...

ԳԱՌ. Մի մոռանաք և՛ ձեր մօրը...

ԵՒԳ. (Ուշքի գալով:) Մայրս...

ԳԱԲ. Այո, այդ բարի և միամիտ կնոջը...

ԵՒԳ. (Արագութեամբ ոտքի է կանգնում կատա-  
ղած:) Որի բարեկամութիւնը դուք այդպէս ապակա-  
նեցիք: Օօ, բաւական է, հեռացէք...

ԳԱԲ. Կըհեռանամ, իհարկէ, բայց խօսք տուէք,  
որ չէք կատարիլ ձեր անմիտ վճիռը:

ԵՒԳ. Ի՞նչ, ի՞նչ իրաւունքով էք պահանջում ինձ-  
նից այդպիսի խօսք:

ԳԱԲ. Սիրող մարդու իրաւունքով:

ԵՒԳ. Սէր... Մի սրբապղծէք այդ բառը: Կան  
բերաններ, որոնք իրաւունք չունին նրան արտասա-  
նելու: (Զսպելով իւր յուզումը, մօտենում է սեղանատան  
դռներին:)

ԳԱԲ. Ի՞նչ էք կամենում անել:

ԵՒԳ. Կանչել աղախին, որ ձեր վերարկուն պահի:

ԳԱԲ. (Պատուգա, որի միջոցին Գաբրօի մէջ տե-  
ղի է ունենում հոգեկան պատերազմ. նա ծանաչում է  
Եւգինէի հոգին:) Ես կըգնամ առանց աղախնի օգնու-  
թեան էլ: Բայց, Աստուած սիրէք, մի կործանէք ձեզ:  
Դուք այդքան երիտասարդ էք, գեղեցիկ, կեանքը ձեզ  
ժպտում է, երես մի դարձնէք նրանից: Եւգինէ, ես  
ձեզ լաւ չէի ճանաչում, այժմ ճանաչեցի: Խոստովան-  
վում եմ, ես ձեզ համարում էի մէկն այն կանանցից,  
որոնք... որոնք... այդչափ լուրջ չեն նայում կեանքին...  
բայց աչքերս բացվեցին և այժմ ձեզ տեսնում եմ  
ձեր իսկական դոյներով: Ես մօլորված էի և ահա  
այժմ զղջում եմ... գոնէ այս բանին հաւատացէք...

ԵՒԳ. (Հեզնակաւ դառն ծիծաղով:) Հա հա հա,  
զղջում եմ, հա հա, զղջում եմ. այդպէս շուտ: (Պա-

ուգա:) Բաւական է, բաւական է, այս լուպէին ամու-  
սինս կարող է դալ. ես չեմ ուզում, որ դուք հանդի-  
պէք միմեանց: Գնացէք...

ԳԱԲ. (Ամօթից ընկձված:) Եւգինէ...

ԵՒԳ. Գնացէք, գնացէք, խնդրում եմ, ես առանց  
այդ էլ շատ եմ տանջվում: (Մօտենում է նախասե-  
նեակի դռներին:)

ԳԱԲ. Գոնէ մի մեղմ հայեացք, ներման մի թոյլ  
ժպիտ:

ԵՒԳ. Առանց նայելու նրան, տանջանքով ցոյց է  
տալիս ձեռով դռները: Գաբրօն մօտենում է դռներին,  
տակաւին յուսալով, որ Եւգինէն կըմոզմանայ: Բայց  
տաննելով, որ նրա դէմքի արտայայտութիւնը չի փոխ-  
վում, գնում է ամօթահար հանդարտ քայլերով:

ԵՒԳԻՆԷ. Սպասում է մինչեւ Ազարեանի՝ հեռու-  
նալը, ծածկում է դռները, ընկղմվում աթոռի վրայ  
եւ, գլուխը դնելով թեւերի վրայ, դառն հեղեկում է:  
Այնուհետեւ, մի վճռական շարժում անելով, ոտքի է  
կանգնում, աչքերը սրբում, ուշքը ժողովում, մի քա-  
նի վայրկեան անցուդարձ անում: Յետոյ մօտենում է  
սեղանատան դռներին, քաց է անում: Ենքս է մտնում  
աղախինը:

## Տ Ե Ս Ի Լ VI

Եւգինէ եւ Երմոնէ:

ԵՒԳ. Դայեակը վերադարձաւ:

ԵՐՄ. Իսկի էլ չէ: Կօֆէն պատրաստ է:

ԵՒԳ. Հաւաքիր: Ես չեմ ուզում: (Պատուգա: Եր-

մոնէն ուզում է գնալ, լսվում է զանգի ձայն:) Երևի, պարոնդ է: (Երմոնէն գնում է նախասննեակի դռներով: Եւզինէն իշխում է իրան, ուշքը բոլորովին ժողովելով ևւ նստում դաշնամուրի մօտ: Նուազում է ուրախ նղամակ:)

## Տ Ե Ս Ի Լ VII

Մինրան և Եւզինէ:

ՄԻՋ. (Հագած է ֆռակ: Նա գալիս է դատարանից ևւ շատ ուրախ է: Դռների առջև պօրտֆէյլը տալիս է Երմոնէին, որ իսկոյն տանում է նրա առանձնասնեակը, կրկին յետ դառնում սեղանատուն:)

Ահա, այդ ինձ դուր է գալիս. երբ գործից վերադառնալիս քեզ տեսնում եմ դաշնամուրի մօտ, հագնված, ուրախ, մոռանում եմ յոգնածութիւնս: (Մօտենում է ու համբուրում:) Շարունակիր, շարունակիր, ես ուրախ տրամադրութեան մէջ եմ... մի գործ տարեցի փառայեղ կերպով: Գատարանն արդարացրեց այն անմեղ թուրքին, որին թշնամիները ցոյց էին տուել իբրև եղբայրասպան: (Նստում է մօտը:) Պէտք է տեսնէիր, թէ խեղճն ուրախութիւնից ինչպէս էր լալիս: Օօ, որպիսի հոգեկան երջանկութիւն է տեսնել անմեղին շղթաներից ազատված և զգալ, որ նրա ազատութեան մէջ դու էլ դեր ես կատարել: Նուագիր, նուագիր, այդ եղանակը համապատասխանում է իմ հոգեկան տրամադրութեանը...

ԵԻԳ. (Վերջացնելով նուազումը: Պատուգա:) Շօք է դրսում:

ՄԻՋ. Վատ չէ: Բայց երկու շաբաթ ևս և աֆրիկեան տաքերը կըսկսվին: Էհ, հոգ չէ, կըփախչենք: Լսիր. մայիսի մէկից մինչև սեպտեմբեր բոլոր գործերս յանձնում եմ Համազասպին և չորս ամիս քեզ հետ պտտում եմ Եւրոպայում: Այո, այո, դու պէտք է տեսնես ինչպէս են ապրում բաղաբակիրթ ազգերը: Յոյս ունիմ, որ չես ասիլ, թէ վատ միտք է: (Չեռնները վերցնում է իւր ձեռնների մէջ:)

ԵԻԳ. Միթէ քո գլխում կարող է վատ միտք ծագել:

ՄԻՋ. Օօ, մի ասա, երբեմն շատ վատ մտքեր են ծագում: Օրինակ, այն երեկոյ. այն ինչ հէքիաթ էր, ամ: Աստուած գիտէ մի վայրկեանում ինչեր զգացի: Բայց յետոյ բանը հասկացայ: Երեխայ. ինչու մինչև հիմայ ինձանից թազցնում էիր... (Նայում է Եւզինէի աչքերին խորհրդաւոր:)

ՄԻԹէ սիրող հայր չեմ... Իհարկէ, իհարկէ, այդ դրութեան մէջ կնոջ բնաւորութիւնը փոխվում է: Բայց, ի սէր Աստծու, կապրիզներ որքան քէֆդ է ունեցիր, միայն ինձ մի վշտացրու: Եթէ ոչ, գիտես, իրաւարան եմ, օրէնքով կըդատեմ. մէկ էլ տեսար որոշեցի—զրկել բոլոր իրաւունքներից և արտօրել ոչ այնքան հեռու տեղեր, այսինքն—խոհանոց, որ ինձ համար ձուածեղ պատրաստես: Ա՛, կերթա՛ս...

ԵԻԳ. Ուրախութեամբ, (ձեռանում է:)

ՄԻՋ. Օ, գիտեմ, կերթաս: Գու խոհանոցից սարսափող կանանցից չես. այն կանանցից, որոնք իրանց սալօններումն են խոհարարուհի. Բայց ես քեզ չեմ ուղարկիլ: Որ այդ քնքոյշ ձեռները կոշտանան... Երբէք, փառք Աստծու, քո բազդից իմ գործերն այնքան լաւ են զնում, որ կարող ես մէկի տեղ երեք խոհա-

րար պահել: Սակայն... (վեր է կենում) սաստիկ ցանկանում եմ Մարգօին համբուրել: Յուսով եմ, որ մեր նազելի օրիորդը տանն է:

ԵԻԳ. Ոչ:

ՄԻՀ. Աա, թափառական, երբեք տանը չի նըստում: Բայց եղանակը լաւ է, թող աղատ օդ չնչի: Բա՛ն, քիչ էր մնում մոռանայի: Սպասիր: (Մտնում է սեղանատան դռներին:): Երմոնէ, Երմոնէ: Այստեղ բեր պօրաֆէյլս: (վերադառնում է Եւզինէի մօտ: Երմոնէն ընկնում անցնում է Միհրանի առանձնասենեակը:): Իսկոյն կըտեսնես. մի թեթե սիւրպրիզ: Վաղուց է քեզ նուէրներ չեմ արել: Բայց թոյլ տուր կանխավճարը ստանալ... (Գրկում է Եւզինէին եւ համբուրում:)

ԵԻԳ. (Առանձին:) Օօ, ինչ տանջանք, Աստուած իմ... (Երմոնէն ընկնում է պօրաֆէյլը:)

ՄԻՀ. (Աննելով պօրաֆէյլը, աղախնին նշան է անում հեռանալու: Երմոնէն գնում է սեղանատան դռներով: Միհրանը ըստ է անում պօրաֆէյլը, հանում է մի քանի աքցիաներ եւ առաջարկում է Եւզինէին:) Ահա, այս բոլորն այսօր, դատարան գնալիս, մտայ «Եղիզարով» և ընկերութեան գրասենեակին և գնեցի քո ու Մարգօի անունով: Վերցրու, փոխարէնը մի ժպիտ, օօ, ոչ, մի համբոյր... (Համբուրում է:)

ԵԻԳ. (Որ ամեն անգամ ամուսնու համբոյրից ցնցվում է, վերցնում է թղթերը, նայում:): Ի՞նչ բաներ են:

ՄԻՀ. Նաւթային ընկերութեան աքցիաներ:

ԵԻԳ. Ոչինչ չեմ հասկանում այս թղթերից: (Դընում է թղթերը դաշնամուրի վրայ:)

ՄԻՀ. <sup>Ի՞նչ</sup> բանն է: Դու քա, ուրիշ հոգով ես կըթված: Հայրդ զինուորական է եղել: Նա քո մօտ միշտ խօսել է հրացանների ու թնդանօթների մասին: Բայց, սիրելիս, ժամանակիս զօրեղ զէնքերից մէկն էլ այդպիսի թղթերն են: Պահիր քեզ համար, տալուայ վերջը դիվիզենտ կըստանաս: (Ուզում է գրկել:)

ԵԻԳ. (Յնա է քաշվում) Ահ...

ՄԻՀ. Դու չես ուզում, որ քեզ համբուրեմ:

ԵԻԳ. (Ճիգն է անում ժպտալ:): Այո, չեմ ուզում:

ՄԻՀ. Աա, հասկանում եմ. դու ինքդ ես ուզում համբուրել:

ԵԻԳ. (Ուղբի կանգնելով) Աստուած իմ, այլևս ոյժ չբնաց ինձնում...

ՄԻՀ. (Նկատելով նրա այլայլվելը:) Ինչ ասացիր... ոյժ չբնաց...

ԵԻԳ. (Նայելով լուսամուտով դէպի փողոց:) Այո, չբնաց...

ՄԻՀ. (Ուղբի կանգնելով:) Եւզինէ...

ԵԻԳ. (Երճող դարձնելով նրան) Ի՞նչ ես կամենում ինձանից, ինչ...

ՄԻՀ. Եթէ հիւանդ ես, պիտի բժիշկ հրաւիրել: (Ուզում է մօտենալ դռներին:)

ԵԻԳ. Ոչ ոչ, հարկաւոր չէ: Օօ, երանի թէ հիւանդ լինէի:

ՄԻՀ. Ասա, ինչ է պատահել: Վարելի է աղբահանների դատին վատ լուր ես լսել, դուցէ մայրդ հիւանդ է կամ մի կարիք ունի: Ասա, չէ որ ես քեզ համար ոչինչ չեմ խնայում: Եւզինէ... (Գրկում է:)

ԵԻԳ. (Ազատվելով նրա գրկից:) Թող, մի գլուկեր ինձ...

**ՄԻՆ.** (Անելի ու ատելի զարմանալով, դարձնալ ժտննում է նրան ու զրկում: Այս անգամ Եւզինէն ուղղակի հրում է նրան: ) Գու ինձ հրում ես:

**ԵԻԳ.** Ոչ—քեզ, այլ ինձ եմ հրում քեզանից, ինձ...

**ՄԻՆ.** Եւ դա... կատակ է...

**ԵԻԳ.** Կատակ... տանջանք է:

**ՄԻՆ.** Ո՞վ է տանջվում, ինչո՞ւ:

**ԵԻԳ.** Նա, որ արժանի է տանջվելու և շուտով նա, որ արժանի չէ... (Արտասանում է խուլ ձայնով, հազիւ զսպելով հեկեկանքը:)

**ՄԻՆ.** (Ճակատը շփելով) Ահա հաներևուք... «Նա, որ արժանի է և շուտով նա, որ արժանի չէ»: Ոչինչ չեմ հասկանում, ոչինչ... բայց... դու սխալվում ես, դու հիւանդ ես, զառանցում ես... Եւզինէ, վատ մտքեր են ծագում գլխուս, իմ մէջ կասկածներ են յղանում... պճրղ խօսիր... (Եւզինէն լուռ է:) Վերջապէս, այդ չափից դուրս է... (Մտնում է եւ քննում նրա ձեռքը:)

**ԵԻԳ.** (Նայելով Միհրանին վշտալի հայեացքով) Եւ ինչո՞ւ, ինչո՞ւ դու մի ուրիշ մարդ չես, կոպիտ, գուեհիկ, չար մարդ: (Չեմն ազատում է նրա ձեռից եւ նեղանում:)

**ՄԻՆ.** (Ապշած, ընեռվում է միեւնոյն տեղում, աչքերը խոտելով Եւզինէի վրայ: Պառուզա:) Ա՜...

**ԵԻԳ.** (Պառուզա:) Ինչո՞վ պիտի վարձատրեմ քո բոլոր բարութիւնները, եթէ ոչ... անկեղծութեամբ... Այո, այո, միմիայն անկեղծութեամբ: Մի նայիր ինձ այդպէս, քո հայեացքն ինձ կըսպանէ...

**ՄԻՆ.** Վախենում ես, այո՞, վախենում ես: (Հըրում է եւ շարունակ նայում:)

**ԵԻԳ.** (Մի քանի վայրկեան անց ու դարձ անեղով, յանկարծ կանգ է առնում նրա տղնու: ) Մի հարց... (Ճակատը շփելով, պառուզայից յետոյ վճռական շարժումն է անում:) Այն երեկոյ դու ասում էիր, թէ եթէ դու լինէիր Արաբաջեանի տեղը, կըներէիր կնոջ անցեալը...

**ՄԻՆ.** Ասում էի, յետոյ...

**ԵԻԳ.** Արդեօք, համոզմունքով էիր ասում:

**ՄԻՆ.** Այդ ինչ հարց է... (Պառուզա: Չայնը քարձրացնում է:) Այդ ինչ հարց է... (Պառուզա: Բռնում է Եւզինէի ձեռն եւ ուժգին թոթափում: ) Ինչ հարց է այդ...

**ԵԻԳ.** Օօ, ինչ ամուր ես սեղմում ձեռս, դու երկաթի ոյժ ունիս:

**ՄԻՆ.** (Տակաւին քաց շըթողնելով նրա ձեռքը) Ասա, ինչո՞ւ ես հարցնում...

**ԵԻԳ.** Հարցնում եմ նրա համար, որ ես... ես... մի անպիտան կին եմ, ես... արժանի չեմ... որ ես... մի... մի տիկին Արաբաջեան եմ...

(Արտասանելով այս ըստերը, ձեռն ազատում է Միհրանի ձեռից եւ թուլացած ընկնում է թախթի վրայ: Երկարատեւ պառուզա, որի ժամանակ Միհրանը քարացած կանգնած է միեւնոյն տեղ, մի ուժեղ ցնցումից յետոյ: Իսկ Եւզինէն երկու ձեռներով երեսը ծածկած է: Վերջապէս, Միհրանը շփում է աչքերը, նայում շուրջը, յետոյ ինքն իրան, կարծես, հաւատարմանալու համար՝ երազումն է թէ արթուն:)

**ՄԻՆ.** Այս ինչ է... երձգ... թէ ցնորվել եմ... Բայց... կարծեմ, խեղքս գլխիս է... Ահա նա, ահա մեր... հիւրասենեակը... ծանօթ իրեր... Օրը ցերեկով... Իմ փաղաքշանքներից յետոյ... Հէնց այստեղ, ինքն իւր

լեզուով: (Մօտենում է ու ձեռը ըննում:)  
Յեա վերցրու  
ասածդ... յեա վերցրու:

ԵԻԳ. Հագիւ կարողացել եմ ասել:

ՄԻՀ. (Թոթափելով նրա ձեռը ուժգին:)  
Ուրեմն կատակ չի այդ...

ԵԻԳ. (Խորին տանջանքով երեսը դարձնում է նրանից:)  
Ո՞վ կարող է իւր ճակատագրի հետ այդպիսի կատակ անել: (Ձեռն ազատում է ու քայլերն ուղղում դէպի ննջարան:)

ՄԻՀ. (Կտրելով նրա ծանապարհը:)  
Ոչ ոչ ոչ, առա, որ ինձ փորձում էիր, ասա, որ ցնորված ես: Դէհ, ասա... Աղաչում եմ, լսում ես, չեմ ստիպում, այլ աղաչում եմ, աղերսում եմ, լսիր, ես տանջվում եմ... Ժպտա, որ իմանամ, թէ սուտ էր, որ ինձ փորձում էիր... Ես կըտամ քեզ ամբողջ կեանքս մի վայրկեանում, միայն հերքիր, հերքիր ասածդ...

ԵԻԳ. Ես բոլորն ասացի:

ՄԻՀ. Ուրեմն չեա հերքում... չեա հերքում... Առգարչելի... (Ուզում է յարձակվիլ նրա վրայ, քայց վայրկենաբար զսպում է իրան:)  
Գաղանը, գաղանը պիտի զսպել: (Ներս են մտնում տիկ. Հռիփսիմէն եւ տիկ. Մարթան դրսի հագուստով եւ ասլշած մնում:)

ՄԻՀ. (Հեկեկալով փաթաթվում է քրոջ պարանոցին:)  
Մձրթա, Մձրթա...

ԵԻԳ. (Ընկնում է մօր գերկը:)

Մարթան, կարծես, իրողութիւնը գուշակած, ատելութեամբ լի հայեացքով նայում է Եւզինէին: Իսկ Հռիփսիմէն, ոչինչ չըհասկանալով, ասլշած նայում է Միհրանին:

# ԱՐԱՐՈՒԱԾ Գ.

Քեմը ներկայացնում է Միհրանի ընդարձակ առանձնասենեակը: Երկու գուռ—խորքում և ձախ: Խորքինը տանում է նախասենեակ, որի միւս կողմում է Միհրանի փաստաբանական գրասենեակը, ձախինը տանում է հիւրտանիտակ: Աջ պատի վրայ դէպի փողոց լուսամուտներ: Տնացիներն ել և մուտք ունին ձախի դռներին: Աջ պատի տակ դրած է Միհրանի գրասեղանը, վրէն հեռախօսի ապարատ, թանաքաման, թղթեր, պաշտօնական գործեր, խորքի պատի տակ գրքերի պահարան դարաններով, քովը երկաթէ դրամարկղ: Ձախ կողմում կաշուեծածկ գահաւորակ և բազիլթուռներ, սեղան, վրէն ամսագրեր, մի սուփ՝ ծխախոտով լի և այլն: Յատակին սփռած է պարսկական գորգ: Պատերին մի քանի գրաւիւրներ և մի քանի թատրոնական նշանաւոր գործիչների նաև եւրոպական հռետորների պատկերներ.

## Տ Ե Ս Ի Լ Ի

Վարսամեան եւ Գրագիր:

Վարագոյրը քարձրանալիս Վարսամեանը, Միհրանի գրասեղանի մօտ կանգնած, թղթերի մէջ փնտրում է ինչ-որ թուղթ, իսկ գրագիրը մի թերթ ձեռին, գրեզն ականջի վրայ դրած, կանգնած է խորքի դռների առջեւ: Մի քանի վայրկեան լռութիւն:

ՎԱՐ. Զրգիտեմ որտեղ է դրել նա այն թուղթը: (Դադարում է փնտրել:)  
Լաւ, առ այժմ արտագրեցէք այդ խնդիրը, ինքը կըգայ, կըհարցնեմ:

ԳՐԱԳ. (Երեսը դարձնում է դուրս գնալու, իսկոյն

յետ է դառնում. պատգաւ) Գրասենեակում մի քանի  
այցելուներ են սպասում:

ՎԱՐ. Իսկոյն կըզգամ:

ԳՐԱԳ. Նրանք ուղում են անձամբ պարոն Ալվեր-  
դեանին տեսնել:

ՎԱՐ. Ասացէք, որ Ալվերդեանն ոչ ոքի չի ըն-  
դունում:

(Գրագիրը գնում է: Վարսամեանը, զրասեղանի  
մօտ կանգնած, ձեռք յննում է ճակատին եւ մտածում:  
Խորքի դռներից ներս է մտնում Սառափեանը:)

## Տ Ե Ս Ի Լ II

Վարսամեան եւ Սառափեան:

ՍԱՌԱՓ. (Ճակատը թաշկինակով սրբելով:) Ահա  
քեզ և՛ գարնան սկիզբ. արդէն տաքն զգալի է: (Բա-  
րեւելով:) Հըմ, էլի միւսնոյն տրամադրութեան մէջ է  
մեր պարոնը:

ՎԱՐ. Անփոփոխ:

ՍԱՌ. Զարմանալի է, հասկանալ չեմ կարող ինչ  
է պատահել այս տանը: Միհրանը խօս  
այդպէս է, Մարթային խօսեցնել չի լինում, իսկ Եւզինէն իւր  
ննջարանից դուրս չի գալիս: Պէտք է, վերջապէս, պատ-  
ճառն իմանալ: (Զայլերն ուղղում է դէպի ձախի դռ-  
ները:)

ՎԱՐ. Կարծեմ, հրամայված է ոչ ոքի չընդունել:

ՍԱՌ. Ահա թէ ինչ: Տարօրինակ է, տարօրինակ,  
ոչինչ չեմ հասկանում: Ահա, ով որ գալիս է: (Ձախ  
դռներից ներս է մտնում Մարթան տխուր դէմքով:)

## Տ Ե Ս Ի Լ III

Նրանք եւ Մարթա:

ՄԱՐ. (Գլխով ստոն պատասխանելով Սառա-  
փեանի ըարեւին, դառնում է Վարսամեանին.) Թիֆ-  
լիսի լրագրները ստացվել են:

ՎԱՐ. (Յոյց տալով զահաւորակի առջև ողած  
սեղանը:) Բոլորն այնտեղ է:

(Մարթան մտննում է սեղանին, լրագրներ վերց-  
նում եւ քայլերն ուղղում դէպի ձախի դռները:)

ՍԱՌ. Եւզինէին կարելի է տեսնել, քոյր Մարթա:

ՄԱՐ. (Ստոն:) Հարցրէք աղախին: (Գնում է:)

ՍԱՌ. (Վարսամեանին:) Տեսա՞ր, էհէ... ոչ, պէտք  
է ինչպէս և է ծանօթանալ այդ կօմեդիայի բովան-  
դակութեանը:

ՎԱՐ. Լաւ է եթէ կօմեդիա է և ոչ դրամա...

ՌԱՌ. Ինչ ասացիր...

ՎԱՐ. Ոչինչ... (Ձախ դռներից գալիս է Հռիփսի-  
մէն—Եւզինէի մայրը՝ տխուր եւ յուզված:)

## Տ Ե Ս Ի Լ IV

Նրանք եւ Տիկին Հռիփսիմէ:

ՀՌԻՓ. Միհրանն այտեղ չէ: (Տեսնելով Սառա-  
փեանին:) Արշակ, լաւ է, որ քեզ տեսայ: Դու ինձ  
հարկաւոր ես:

ՍԱՌ. Փառք Ասածու, ես էլ մէկին հարկաւոր ե-  
ղայ: Հրամայիր հօրաքոյր...



ՀՌԻՓ. Գիտես ինչ... բայց (Նայում է վարսամեանին, որ այդ միջոցին գրասեղանի մօտ կանգնած ինչ-որ գրում է շտապով մի կտոր թղթի վրայ)... Բարով, որդի...

ՎԱՐ. (Գլուխ տալով) Ես ձեզ չեմ խանդարել: Վերջացրի: (Գրիչը թողնում է սեղանի վրայ, վերցնելով գրած թղթերը) Արշակ, եթե Միհրանը հարցնի իմ մասին, ասա գրասենեակումն եմ: (Գլուխ տալով Հռիփսիմէին, գնում է խորքի դռներով):

ՀՌԻՓ. Ի՞նչ հասկացող տղայ է: Ախ, Արշակ, ես անբաղդ եմ: Օգնիր. այս քաղաքում, բացի քեզանից, մօտիկ ազգական չունիմ...

ՍԱՌ. Ի՞նչ է պատահել...

ՀՌԻՓ. Մի հարցնիլ, որդի, ոչ մի բան մի հարցնիլ, միայն օգնիր...

ՍԱՌ. Բայց ի՞նչպէս օգնեմ, ո՞ւմ օգնեմ, երբ ոչինչ չեմ հասկանում:

ՀՌԻՓ. Ձի էլ հարկաւոր, որ հասկանաս, որդի, դու միայն, ահ...ցը... այո, ասա Միհրանին, ասա... որ... մի խօսքով, հաշտեցրու նրան...

ՍԱՌ. Ո՞ւմ հետ հաշտեցնեմ:

ՀՌԻՓ. Ժենեայի:

ՍԱՌ. (Չարմայացած) Միհրանը կռուել է Եւզինէի հետ... Քարերը կըտարբեն... երկինքը կըպատուվի:

ՀՌԻՓ. Չեն կռուել, որդի, այլ, այլ... ի՞նչպէս ասեմ... (Առանձին) Ախ, ինչ դժուար է դադանիք պահել... (Նրան) Գիտես ինչ, որդի, ասա Միհրանին, որ սուտ է, որ ժենեայի... խելքը դլխին չէ... փորձում է... մի խօսքով, հանդատացրու նրան... (Սկսում է լաց լինել):

ՍԱՌ. (Չեղը ծակատին զարնելով) Աա, հիմայ հասկացայ... Մի խօսքով ասա, վերջացրու էլի... Եւզինէին զրպատել են:

ՀՌԻՓ. Զրպարտել են, իհարկէ, զրպարտել են...

ՍԱՌ. Լուր են տարածել, որ նրա անցեալը նրման է Արաբաշեանի անցեալին... Եւ տարածողն է տիկին Գալաճարեանը:

ՀՌԻՓ. Ի՞նչ, դու մի բան լսել ես:

ՍԱՌ. Այո, լսել եմ:

ՀՌԻՓ. Ուրեմն, խօսում են:

ՍԱՌ. Խօսում են:

ՀՌԻՓ. (Թուլանում ընկղմվում է գահաւորակի վրայ) Տունս բանդվեց...

ՍԱՌ. (Բռնելով նրա ձեռքից) Լաւ, ուշքի եկ, հօրաքոյր... Աշխարհում չի գտնուիլ մի ցինիկ, որ հաւատայ այդ զրպարտութեանը:

ՀՌԻՓ. Բայց ի՞նչ անեմ, որդի, ի՞նչ անեմ, աղջիկս ձեռքիցս դնում է, բաղդս շուրն է ընկնում...

ՍԱՌ. Վեր կաց, հօրաքոյր, քայլերի ձայն եմ լսում: Զբոսի աղմուկ բարձրացնել:

ՀՌԻՓ. (Վեր կենալով) Այո, այո, չըպիտի աղմուկ բարձրացնել... Երևի, Մարթան է դալիս... Օօ, ես չեմ կարող նրա երեսը տեսնել: Նա ուզում է հետը կռուել: Այս դռներով կըգնամ... (Գնում է խորքի դռներով):

## Տ Ե Ս Ի Լ Վ

Միհրան եւ Սառափեան:

ՀԻՀ. Ներս է մտնում տնային պիջակով, գիշերային շապկով, օձիքը վերնւ բարձրացած: Նա զար-

լիս է ննջարանից եւ երեսում է, որ զիշերն անքուն է անցկացրել: Մտքերի մէջ խորասուզված, չընկատելով Սառափեանին, մտնում է գրասեղանին, նայում թղթերին, յետոյ մտնում է գրքերի պահարանին, այնտեղ եւս ինչ-որ որոնում եւ ապա դարձեալ մտնում է գրասեղանին: Այս ամբողջ ժամանակ Սառափեանը տարակուսած նայում է նրան, մերթ ընդ մերթ գլուխը երերելով:

ՍՍ.Ո. (Պատուա. մտնում է:) Ինչ երկար ես քնում:

ՄԻ.Ն. (Սթափվելով:) Աա, այդ դու ես... այդպէս վաղ...

ՍՍ.Ո. Լաւ վաղ է... արդէն մէկ ժամն է:

ՄԻ.Ն. (Մերքնաբար): Արդէն մէկ ժամն է: (Երեստում է գրասեղանի քով, բաց է անում արկղերից մէկը:) Այս ինչ է այստեղ: (Հանում է արկղից մի ուրվովեր:) Այս ինձ նուիրել է, ո՞վ, այո, այո, այն թուրք բէգը, որի եղբորը պաշտպանեցի: Ինչո՞ւ... Անցան այն ժամանակներն երբ մարդիկ կեանքի բարդ խնդիրները լուծում էին զէնքով: Իսկ այժմ... (Արհամարհանքով ուրվները դնում է սեղանի վրայ եւ շարունակում արկղում որոնել:) Վերցրու, նուիրում եմ քեզ, հարկաւոր կըգայ, դու նախկին զինւորական ես:

ՍՍ.Ո. (Վերցնում է ուրվներն ու նայում:) Հիա՛նալի ուրվներ է, ամերիկական վերջին սխտեմայի... (Դնելով գրպանը:) Շնորհակալ եմ: (Պատուա:) Զբաղված ես...

ՄԻ.Ն. (Շարունակ որոնելով արկղի մէջ:) Գործ ունիս հետս...

ՍՍ.Ո. Ուզում էի առաջարկել մի քիչ զբօսնելու

ինձ հետ: Եղանակը վատ չէ, թէև մի քիչ տաք է:

ՄԻ.Ն. Ես ցերեկները երբ եմ զբօսնել... (Հանում է արկղից մի թուղթ, նայում է վերնագրին, վեր է կենում, մտնում խորքի դռներին:) Ո՞վ կայ այդտեղ: (Գալիս է գրագիրը:) Այս թուղթը վաղը կարտագրէք և կըներկայացնէք դատարանին:

ԳՐԱԳ. Հա, հէնց մենք էլ այդ էինք փնտռում: (Վերցնում է թուղթը:)

ՄԻ.Ն. Մէկ ժամն է, կողպեցէք գրասենեակն ու գնացէք: (Գրագիրը գնում է:) Զարմանալի ողորմելի էակներ կան աշխարհում. այդ ապուշը, մինչև ամեն օր չարձակեմ պարապմունքից, ինքնագլուխ չի գնայ: Կարծես, այդ ստրկական պաշտօնը հաճելի է նրա համար: (Սառափեանին է դառնում պատուայից յետոյ:) Ե՛լ ինչ կասես...

ՍՍ.Ո. Ոչինչ...

ՄԻ.Ն. Այդ քիչ է... Բայց դէմքդ ցոյց է տալիս, որ մի բան ուզում ես ասել. ինչ էր խնդրում քեզանից հօրաբոյրդ:

ՍՍ.Ո. (Զարմանալով ու շփոթվելով:) Հօրաբոյրս...

ՄԻ.Ն. Այո, իմ զոքանչը... Չէ որ մի փոքր առաջ նա այստեղ լալիս էր քո առջև: (Եայելով նրան խորհրդատու:) Երբեմն մարդ կարող է պատի ետեւից էլ դգալ, թէ ինչ են խօսում իւր մասին: (Մտածում է:) Բայց ինձ համար մի և նոյն է, ինչ ուզում են—թո՞ղ խօսեն: Հասկանում էք, միևնոյն է... (Չնոով մի շարժումն անելով, դարձեալ նստում է գրասեղանի քով: Խորքի դռներից ներս են մտնում Սուլթանեանն եւ Վարսամեանը:)

## Տ Ե Ս Ի Լ VI

Միհրան, Սուլբանեան, Սառափեան եւ Վարսամեան:

**ՄԻՆ.** (Տեսնելով նրանց, աշխատում է ձեռնալ անհոգ ու զուարթ:) Աա, կովկասեան ամերիկացի, բարով: Ի՞նչ է ասում քո գործնական փիլիսոփայութիւնը...

**ՍՈՒԼԹ.** Իմ գործնական փիլիսոփայութիւնը պատուիրում է ինձ՝ ներկայացնել քեզ ամերիկական հաշիւ և պահանջել քեզանից կորցրած ժամանակիս համար վարձ: Այդ ի՞նչ է պատահել, բարեկամ, ժենեւրալի չի՞ն ես ստացել, թէ՛ մինիստրի պաշտօն, ահա երրորդ անգամն է գալիս եմ, ասում են. «չի ընդունում»... (Եստում է զրասեղանի քով: Պաուզա:) Ծանօթացար իմ մեքենապետի գործի հետ: Բնա, այդ ի՞նչ է, դու նիհարել ես և, կարծես, ծերացել... Ի՞նչ է պատահել...

**ՄԻՆ.** Ծանօթացայ քո մեքենապետի գործի հետ:

**ՍՈՒԼԹ.** Հըմ, յոյս կո՞յ, որ նրան արդարացնեն:

**ՄԻՆ.** (Առանց նրան նայելու, դէպի անորոշ տարածութիւն:) Խեղճ մարդ: (Վարսամեանին և Սառափեանին:) Երևակայեցէք մի համեստ և աշխատասէր մարդ: Նա ունէ մի երիտասարդ կին—գեղեցիկ և ոչ յիմար, բարոյական, բայց վերին աստիճանի կենսասէր: (Հառաչանքը զսպելով:) Ամուսիններն ապրում եմ հանգիստ և երջանիկ: (Յուզվում է: Պաուզա:) Ապարէզ է գալիս մի ինչ-որ ֆրանս, երկար ժամանակ հետամուտ է լինում գեղեցիկ կնոջը: Երկու տարի կինը մաքառում է նրա հրապոյրների դէմ, վերջը (Յուզու-

մը զսպելով)... մոլորվում է... էհ... կորցնում է խելքը...

**ՍՈՒԼԹ.** Արի ու հասկացիր կնոջ հոգեբանութիւնը:

**ՄԻՆ.** Մարդն իմանում է իւր անպատուութիւնը և կնոջը նախազգուշացնում: Կինն առաջ հերքում է, յետոյ յանձն է առնում յանցանքն և խոստանում է ձեռք վերցնել մոլորութիւնից... Բայց չի կարողանում: Երեք տարի մարդը տանջվում է, կարող էք երևակայել ինչպէս: (Սուլթանեանին:) Գործին կցած է նրա յիշատակարանը. դա տառապսղ հոգու մի ամբողջ տրագեդիա է: (Զսպելով յուզմունքը, նորից դառնում է Սառափեանին և Վարսամեանին:) Մի օր նա, որսից վերադառնալով, հանգիպում է կնոջը սիրականի գրկում...

**ՍՍՈ.** Եւ իսկոյն, իհարկէ, ֆրանսին սպանում...

**ՄԻՆ.** (Հառաչելով:) Մ, երջանկութիւնը մարդու համար այնքան հազուագիւտ բան է, որ երբ ձեռքն է ընկնում, ատամներով է պահում նրան: Այդ ամուսինը դեռ յոյս է ունենում իւր ընտանեկան հանգստութիւնը վերականգնելու: Նա զսպում է իրան: Այն ինչ ֆրանսը, կարծելով, որ հասել է իւր վերջին ժամը, գրպանից հանում է մի դանակ՝ պաշտպանվելու համար: Ամուսինն ասում է նրան. «հեռացիր, ես չեմ ուզում մարդասպան դառնալ»: Սակայն ֆրանսը թոյլ է տալիս իրան մի արհամարհական ծիծաղ: Եւ ահա այդ ծիծաղը, իբրև լիտի անարդանք, կտրում է անպատուածի համբերութիւնը, թշուառն արձակում է հրացանը, և ֆրանսը թաւալվում է իւր սիրուհու ոտների տակ:

**ՎԱՐ.** (Պաուզա:) Եւ այժմ կինը ողբում է իւր սիրականին, իհարկէ:

**ՍՈՒԹ.** Ընդհակառակը, նա լալիս է իւր ամուս-

նու ժամին: Եւ հէնց նա ինքն է ինձ խնդրել մի լաւ փաստաբան վարձել իւր մարդու համար:

ՎԱՐ. Ահա այստեղ կարող էիր ասել. «արի ու հասկացիր կնոջ հոգեբանութիւնը»: (Միհրանին:)  
Քայց ես զարմանում եմ, ահա երեք տարի է քո օգնականն եմ և չեմ յիշում, որ մի գործ քեզ այնքան յուզած լինի, որքան այդ մեքենապետի գործը...

ՄԻՋ. (Անց ու դարձ անկողի:) Ինձ յուզում են այդ մարդու քաջած տանջանքները: Որքան համբերութիւն, ուրքան հոգեկան ոյժ պէտք է ունենայ մի մարդ, որ կարողանայ զսպել իւր մէջ գազանին երեք տարի շարունակ... Իսկ նա մի հասարակ մեքենապետ է, գրեթէ անկիրթ...

ՍՈՒՂԹ. Իմ կարծիքով, աշխարհում երկու տեսակ մարդիկ գիտեն հերոսաբար կրել իրանց վիշտը— փիլիսոփաներն և աշխատանքի մարդիկ: Եւ դրանք են կազմում մարդկութեան բարոյական արիստօկրատիան: Միւսները միջին էակներ են և խաղալիք իրանց ճակատագրի հաճոյքին...

ՄԻՋ. (Նայելով Սուլթանեանին խոր ևւ տարօրինակ հայեացքով:) Այո:

ՍՈՒՂԹ. Այո: Ով երկնքում չի սաւառնում մտքերով կամ ամբողջ էութեամբ կպած չէ երկրին, ծառի ճիւղի պէս երերվում է ամեն մի թեթև հողմից... Ինչ և է, ես շատ ուրախ եմ, որ իմ մեքենապետի գործն այդքան քեզ յուզել է, այդ կրնչանակէ, որ դու նրան կըպաշտպանես զգացումով: Շատ ուրախ եմ: Դէհ, ցրտեսութիւն, ես գնամ թշուառի ընտանիքին ուրախացնեմ, որ յոյս կայ նրան արդարացնելու: (Դստնալով Սաուսիեանին:) Իսկ յետոյ ուզում եմ քեզ

հետ «Եւրոպա» հիւրանոցում մի լաւ ճաշել: Գնանք:

ՍՍՈՒՍՓ. Ահա այդ բարձր է ամեն մի փիլիսոփայութիւնից: (Միհրանին:) Յըտեսութիւն: (Վարսամեանին:) Մտածիր որքան կամենում ես խորը, բայց մի սպասիր կեանքից կատարեալ երջանկութիւն, այլ վերցրու այն, ինչ-որ տալիս է, թէ կուզ մի ուրախ ճաշ շամպանիայով: (Սուլթանեանին:) Ես քո խոնարհ ծառան: Յըտեսութիւն: (Սաուսիեան ևւ Սուլթանեանն զնում են խորքի դռներով:)

## Տ Ե Ս Ի Լ VII

Միհրան և Վարսամեան:

ՄԻՋ. (Մտքերի մէջ խորասուզված մի քանի վայրկեան լուռ անց ու դարձ է անում: Պատուա:) Ի՞նչ ես կարծում, նա իրաւացի է:

ՎԱՐ. Ո՞վ:

ՄԻՋ. Սուլթանեանը, նա ասում է ով երկնքում չի սաւառնում կամ երկրին կպած չէ իւր ամբողջ էութեամբ, երերվում է ամենաթեթև հողմից:

ՎԱՐՍ. (Որ շարունակ նայում է նրա իւրաքանչիւր շարժմանը:) Նա մի բանում իրաւացի է, այն է՝ աշխատանքի մարդիկ աւելի հեշտութեամբ են կրում իրանց վիշտը: Այո, ես կարծում եմ, չըկայ վիշտ, որին կարելի չըլինէր խեղդել աշխատանք ասված առիւծի ճիրաններով: Այս տեսակէտից զարմանալի է ինձ համար քո վերջին ժամանակուայ ծուլութիւնը...

ՄԻՋ. (Յանկարծ կանգ առնելով, նայում է նրան խորը-խորը:) Ինչո՞ւ ես այդ ասում:

ՎԱՐ. (Կամենալով ուղղել իւր անգգուշուծիւնը՝  
Ես այդ չէի ուզում ասել: Ահա մօտ երկու շաբաթ է)  
դու գործով չես հետաքրքրվում, ոչ ոքի չես ուզում  
ընդունել: Եթէ այդպէս շարունակես, շուտով մենք  
կըզրկվենք կլիենաներից:

ՄԻՆ. Եւ այդ քեզ շատ կըտխրեցնի:

ՎԱՐ. Այո, որովհետեւ դու կարող ես կորցնել տա-  
րիների ընթացքում ձեռք բերած հուշակը...

ՄԻՆ. (Դառն ծիծաղով:) Հռչակ, հա հա հա,  
հռչակ: Միթէ որ և է հռչակ կամ լաւ անուն կարող  
է մարդուն բաղդաւորեցնել: Մարդու այստեղը (խփե-  
լով՝ կրծքին) պիտի հանգիստ լինի... այստեղը...

ՎԱՐ. Ես կարծում եմ, երբ մարդ կատարում է  
իւր պարտականութիւնները, նրա սիրտը միշտ հան-  
գիստ պիտի լինի...

ՄԻՆ. Միթէ, միամիտ և մաքուր երիտասարդի  
խօսքեր: Բայց, ասն ինձ, շատ մարդիկ են ընդունակ  
կատարելու իրանց պարտականութիւնները, ասն, շատ  
մարդիկ: (Կանգնելով նրա դէմ ու դէմ ու նայելով ու-  
ղիղ աչքերին:) Համազասպ, ես գիտեմ ինչ ես ու-  
զում ասել, ինչ ես մտածում այս բոլորին, այո, այո,  
գիտեմ ինչ պարտականութեան մասին է խօսքդ: Դու  
ինձ մեղադրում ես մաքումդ, այնպէս չէ, համարում  
ես ինձ թուլամորթ, այո, ասն: Ինչո՞ւ ես երեսդ դարձ-  
նում, միթէ ես յիմար եմ, միթէ չըգիտեմ բարեկա-  
միա աչքերի մէջ կարգալ նրա մաքերը: Այո, այո, դու  
ամեն բան գիտես, միայն համեստութիւնը, այդ կեղծ  
զգացումը թոյլ չի տալիս քեզ՝ ինձ բացարձակ յան-  
գիմանելու:

ՎԱՐ. Միհրան:

ՄԻՆ. Զուր մի կեղծիր, Համազասպ: Մեր բա-  
րոյական հայեացքները մի և նոյնն են, և այսքանը բա-  
ւական է: Սակայն գաղափարների և իրականութեան  
մէջ կայ անագին խորխորատ: Գիտեմ, դու ուզում ես,  
որ ես հերոսաբար անցնեմ այդ խորխորատը: Գանց-  
նեմ, կանցնեմ, տալիս եմ քեզ ազնիւ խօսք:

ՎԱՐ. (Ուրախանալով:) Այո, յուսում... Բայց ես  
այդպէս էլ համոզված էի, ուրիշ կերպ չէր կարող լինել:

ՄԻՆ. Այն երեկոյ—յիշում ես—երբ դու խօսում  
էիր Արաբաջեանի մասին, քո իւրաքանչիւր բառն իմ  
մէջ աւելի ու աւելի ամրացնում էր իմ գաղափարը:  
Քո մէջ ես տեսնում էի մի հզօր պաշտպանի:

ՎԱՐ. Ապացուցիր, ուրեմն, որ մեր բարոյական  
աշխարհն ամայի չէ, որ մենք ևս ունինք մարդիկ  
բառի ընդարձակ նշանակութեամբ, գործի և ոչ խօս-  
քի մարդիկ...

ՄԻՆ. Կաշխատեմ:

ՎԱՐ. Դէհ, թոյլ տուր, ուրեմն, սեղմել ձեռք իր-  
րե հաւատարիմ զինակից: Ես խոստանում եմ հետե-  
ւել քո օրինակին, եթէ իմ կեանքի հանգամանքներն  
էլ այդպէս հիւսվեն: (Սեղմում է ձեռքը:) Յըտեսու-  
թիւն, ես հեռանում եմ, որպէս զի դու այդ տրա-  
մադրութեան մէջ տեսնվես նրա հետ... Յըտեսու-  
թիւն: (Խորքի դռներս մօտ դարձնալ սեղմում է նրա  
ձեռնն եւ գնում:)

## Տ Ե Ս Ի Լ VIII

Միհրան մեհակ, յետոյ Մարթա:

ՄԻՆ. Ազնիւ տղայ, նրան համարում են տօլս-  
տօյական: (Ծտտում է զրասեղանի մօտ, վերցնում է

մի գործ եւ սկսում է կարդալ: Չախի ղոններից ներս է մտնում Մարթան եւ, տեսնելով եղբորո զբաղված, կամացուկ մտննում է գահատրակի առջեւ դրած սեղանին եւ, կանգ առնելով, նայում նրան վշտակցութեամբ: Միհրանը, ըստ երեսոյթին, կարդում է, քայց միտքը զբաղված է իւր վշտով: Մերթ ընդ մերթ նա ցնցվում է: Վերջապէս, գործը շարտում է դէն, վեր է կենում եւ անց ու դարձ անում: Յանկարծ, նկատելով քոջը, կանգ է առնում:\*) Գարձեալ:

ՄԱՐ. Այո, և միշտ, քանի որ տանջվում ես:

ՄԻՉ. Ես այլևս չեմ տանջվում:

ՄԱՐ. Ո՞վ հաւատաց: Նայիր հայելուն, տես ինչ էիր և ինչ ես դարձել: Այս երկու շաբաթուայ ընթացքում դու տասը տարով ծերացել ես: Դու գիշերները քուն չունիս, ցերեկները հանգիստ:

ՄԻՉ. Լաւ կանես, եթէ իմ մասին հոգալու փոխարէն, մտածես քո վարմունքի մասին: Դու նրան հալածում ես:

ՄԱՐ. Ես նրան միայն ատում եմ և ուրիշ կերպ չեմ կարող վարվել մի կնոջ հետ, որ անբաղդացրել է իմ միակ եղբորը:

ՄԻՉ. Ատում ես և չես զգում, որ նա ինքն անսահման տանջվում է:

ՄԱՐ. Երևի, խղճի խայթոցից, չէ: Եթէ նա խիղճ ունենար, քեզ հետ չէր ամուսնանալ...

ՄԻՉ. Մ'արթա...

ՄԱՐ. Այո, եթէ նա խիղճ ունենար, քեզ չէր խաբի:

ՄԻՉ. Նա ոչ միայն ինձ չի խաբել, այլև իմ վերաբերմամբ վարվել է ազնուարար:

ՄԱՐ. (Դառն հեգնութեամբ:) Միթէ... Ես այն ժամանակ նրան ազնիւ կը համարէի, եթէ նա իւր խոստովանութիւնն անէր ամուսնանալուց առաջ:

ՄԻՉ. Այն ժամանակ խոստովանելն այնքան մեծ քաջութիւն չէր լինիլ, որքան այժմ: Երբ կինը յանուն անկեղծութեան հրաժարվում է ճաշակված երջանկութիւնից—հասկանում ես, ճաշակված—նա արժանի է հիացման: Քանի որ նա հարսնացու էր, ինձ չէր սիրում, կարող էր վշտացնել ինձ սառնարիւն: Այն ժամանակ նա չը գիտէր ինչ ասել է փոխադարձ սիրոյ քաղցրութիւն, իսկ այժմ գիտէ: Ահա ինչն եմ ես հերոսութիւն համարում: Արդեօք, շատերն են ընդունակ այդ տեսակ քայլի, այն էլ մեր կանանցից: Քեզ լաւ յայտնի է, որ ես նրան հաւատում էի ինչպէս սրբուհու: Եւ եթէ ամբողջ քաղաքը նրան չարախօսէր—դարձեալ իմ հաւատը դէպի նա չէր խախտվիլ: Ուրեմն, ինչ դժուարութիւն կար նրա համար իւր անցեալն ինձանից թագցնելու, եթէ չունենար նուրբ խիղճ, ազնիւ հոգի... եթէ չը սիրէր ինձ...

ՄԱՐ. Գեղեցիկ խօսքեր, որոնք պատիւ են բերում միայն քեզ, բայց նրան չեն արդարացնում:

ՄԻՉ. Ոչինչ չի կարող նրան այնպէս արդարացնել, որպէս հէնց իւր խոստովանութիւնը և ոչ ոք չի կարող նրան այնքան խիստ դատապարտել, որքան նա ինքը...

ՄԱՐ. (Պառուգաւ Մօսննում է եղբորը:) Լսիր, Միհրան, մանուկ հասակից մենք եղել ենք ընկերներ, քո վշտերն և ուրախութիւններն իմն են եղել, քո անունն ու պատիւն իմն եմ համարել: Մեր ծնողների մահից յետոյ ես քեզ համար եղել եմ մայր և հայր... Ու-

սուցչութիւն անելով, քեզ օգնել եմ, որ բարձրագոյն ուսում ստանաս: Ուրեմն, ինչպէս կարող եմ սառնարիւն վերաբերվել քո ճակատագրին: Ասում ես. «Ներում եմ»: Գուցէ, բայց մի մոռանար, որ կայ հասարակական կարծիք, բարեկամների թաղուն արհամարհանք, թշնամիների չար ուրախութիւն: Այս բոլորը դու գուցէ սկզբում կարողանաս արհամարհել, բայց յետոյ, յետոյ կըսկսես ականջ դնել շշուկներին: Եւ այն ժամանակ կատես նրան աւելի, քան կարող էիր ատել այժմ, եթէ այդպէս չըմտած էիր: Ուրեմն, միթէ աւելի լաւ չէ խնդիրը լուծել հէնց այժմ: (Պաուլոս:) Արձակիր նրան:

ՄԻՉ. Այդ է քո բոլոր ասելիքը: Հասարակական կարծիք, բարեկամների արհամարհանք, չըգիտեմ էլ ինչ: Մարթա, այդ բոլորից աւելի բարձր ու թանգ է ինձ համար իմ ներքին դատաւորի ձայնը: Ես գիտեմ, որ բարոյականի կողմից մեր կեանքի իննը տասներորդականը պատկանում է հասարակութեանը, գիտեմ, որ կան աւանդութիւններ, որոնց չի կարելի օտնատակ անել անպատիժ: Բայց ես ուզում եմ հպատակվել իմ խղճի ձայնին... Իսկ նա, այդ ձայնն ինձ ասում է. «Եւզինէն արժանի է ներման»: Ոչ, այդ ձայնն աւելի է ասում: Նա ասում է. «Եւզինէն բարձր բարոյականութեան տէր կ'ին է»: (Մարթան ապշած նայում է նրան:) Ձարմացիր, բայց այս մի այնպիսի համոզմունք է, որին չի կարող խեղդել իմ մէջ ոչ մի հասարակական նախապաշարմունք: (Պաուլոս:) Միթէ ես չըգիտեմ, որ ընկերական նիստ ու կացի պայմաններն անհատները չեն ստեղծում: Սակայն անհատները կարող են արհամարհել նրանց և մինչև անգամ փոփո-

խել... Ինչ ասել կուզի, ես չէի կամենայ, որ նրա անցեալն այդպէս լինէր, բայց, մտածիր, ո՞վ եմ ես ինքս, ինչ է, վերջապէս, իմ սեպհական անցեալը: Այո, ինչ է: Եթէ նա հազիւ պատանեկական հասակում ընկել է մի խաբեբայի թակարգը, ինձ ոչ ոք չի խաբել, ես ինքս եմ խաբել... Այո, այո, թէև իմ խաբէութիւնն այնքան ստոր չի եղել, որչափ այդ պարօնինը, բայց խաբէութիւն է եղել... Ես ևս մոլորեցրել եմ կանանց... Ինչո՞ւ Եւզինէն ինձ ներել է իմ անցեալի կեղտերը, իսկ ես չըպիտի կարողանամ նրա անցեալի աւամայ սխալը մոռանալ: Եւ ոչ միայն սխալը, այլ թէկուզ կեղտերը, եթէ լինէին կեղտեր...

ՄԱՐ. Վարսամեանի խօսքերը...

ՄԻՉ. Ա, այդ խօսքերը ոչ Վարսամեանինն են և ոչ իմը: Դրանք խօսքեր չեն, այլ արդար բողոք օրէնքի ոյժ ստացած անիրաւութեան դէմ... Եւ ես զարմանում եմ, որ դու, կանանց իրաւունքների պաշտպանը, ընդդէմ ես մի այդպիսի բողոքի:

ՄԱՐ. Բայց ես չեմ ուզում, որ բողոքողն իմ եղբայրը լինի: Չեմ ուզում, որ նա լինի դարաւոր բերդի դէմ առաջին գնդակ արձակողը:

ՄԻՉ. Եւ ուզում ես, որ նա լինի բարոյական պարզիտ, հոգեկան քաջութիւնից զո՞ւրկ: Ուզում ես, որ նա լինի մէկն այն ողորմելիներից, որոնք ստրկաբար հեծծում են հասարակական կարծիք ասված բռնութեան ներքոյ... Ոչ ոչ, ես չեմ կամենում և չեմ կարող լինել այդպիսի մարդ...

ՄԱՐ. (Լռութիւնից յետոյ:) Այո, տեսնում եմ, որ իմ և քո հայեացքների մէջ կայ ահագին անդունդ: Այդ անդունդը մենք չենք կարող լեցնել վիճաբանու-

Թեամբ: (Կոուելով ինքն իւր հետ. սլաուզաւ) Ուրեմն...

Թող նա բաժանի մեզ...

ՄԻՆ. Մարթա...

ՄԱՐ. Ինչո՞ւ կեղծել. այդպիսի մի կնոջ հետ ես մի յարկի տակ մնալ չեմ կարող: (Սկսում է արտասովել):

ՄԻՆ. (Գրգռվելով): Մի վիրաւորիք նրան: (Չախ դռների մէջ երևում է Եւզինէն: Նա գունատ է, նիհար. վերջին ժամանակի կրած հոգեկան յուզումներն ու տանջանքները նրա դէմքին տուել են հեզութիւն: Նրա աչքերի արտայայտութիւնը վշտալի է, սակայն հանգիստ: Աչքերի տակ երևում են թեթեւ կնճիռներ, քայք վիշտը դէմքի գեղեցկութիւնը նրբացրել է: Մարթան, անսնելով նրան, շտապով սրբում է իւր աչքերն եւ ատելութեամբ լի հայեացքը յառում նրա երեսին: Մինչդեռ Եւզինէն նայում է նրան հանգիստ հայեացքով, որի մէջ երևում է նրա հոգու հպարտութիւնը: Մարթան արագութեամբ երեսը դարձնում է նրանից: Եւզինէի դէմքով սահում է մի մեղմ, կիսահեզնական եւ ներողամիտ ժպիտ: Մարթան քայլերն ուղղում է դէպի խորքի դռները:)

ԵԻԳ. (Հանգիստ, մի քանի քայլ առաջ է շարժվում): Սպասեցէք...

ՄԱՐ. (Նայելով նրան անզուսպ ատելութեամբ): Ի՞նչ էք կամենում...

ԵԻԳ. Ես ձեզ խնդրում եմ մնալ...

ՄԱՐ. (Դառն հեզութեամբ եւ կծու): Մնալ այս օգնւմ... Այստեղ... ես կըխեղդվիմ...

ՄԻՆ. (Դառն յանդիմանութեամբ) Մարթա, Մարթա:

ՄԱՐ. Ես կըվերադառնամ միայն քո վերջին վճիռն իմանալու համար: (Գնում է):

## Տ Ե Ս Ի Լ IX

Ե. զԻՆԵ Եւ ՄԻՆԱՆ:

Մինչդանը մտնում է լուսամուտին, մի քանի վայրկեան նայում դէպի փողոց մտախոհ, յետոյ մտնում է գրասեղանին, նայում ցրուած հայեացքով թղթերին, ապա նստում է, արմունգները դնում սեղանի եզրին եւ գլուխը յնում ձեռների ափերին, Եւզինէն մտնում է զահաւորակիւն եւ, մի ձեռք յննելով սեղանին, նայում է նրան:

ՄԻՆ. (Բաւական երկարատեւ լուծիւնից յետոյ, ձեռները հեռացնում է երեսից, քայք դարձնալ Եւզինէին չի նայում): Ի՞նչ էիր կամենում ասել Մարթային:

ԵԻԳ. Ես ուզում էի խնդրել, որ նա իւր եղբորը... մենակ չըթողնի...

ՄԻՆ. Ի՞նչ է նշանակում այդ:

ԵԻԳ. Այն, որ ինձ համար անհամեմատ աւելի հեշտ է լսել նրա նախատինքները, քան տեսնել քո լուռ տանջանքները...

ՄԻՆ. Ի՞նչ է մնում ինձ անել, եթէ ոչ լուել... Իսկ յետոյ (զգացված ձայնով) մոռանալ...

ԵԻԳ. Մոռանա՞լ... Ո՞վ կարող է մարդուց անհնարինը պահանջել: Ես այդ մասին չեմ էլ երազում անդամ:

ՄԻՆ. Երբեմն մտածում եմ, արդեօք, աւելի լաւ չէր լինի, եթէ ոչինչ չիմանայի: Հարկւր բաղդաւորներից ինսուռութիւնը ապրում է իլլիւզիայով, թող մէկն էլ ես լինէի...

ԵԻԳ. Եւ ես շարունակէի խաբել: Տեսնել քեզ եր-



ջանիկ և ամեն վայրկեան զգալ, որ դու խաւարի մէջ ես, որ քո երջանութիւնը հիմնված է մի սիրող կնոջ կեղծիքի վրայ: Ո՛չ:

Մի՛չ. ճիշտ է, ճիշտ է, ես այդ մասին շատ եմ մտածել: Բայց և այնպէս երևակայութիւնս ամեն վայրկեան պատկերացնում է այդ քստմնելի տեսարանը բոլոր իւր մանրամասներով: Գիշեր-ցերեկ իմ աչքերի առջև կանգնած է քեզ մոլորեցնողի կերպարանքն և հալածում է ինձ իւր յանդուգն ու լիրբ արհամարհանքով:

Ե՛կի. Հեշտ չէ դիմանալ վիրաւորված պատուի զգացմանը...

Մի՛չ. Պատուի... Ոչ, դու սխալվում ես: Ինչպէս դու ինձ հետ եղար անկեղծ, կրկին իմ և՛ ես: Իմ պատիւն ես արատաւորված չեմ համարում: Սխալը քո անցեալումն է և ոչ ներկայում: Ինձ տանջում է միայն այն միտքը, որ դու երբ և է, թէկուզ մի ժամով, պատկանել ես այդ մարդուն: Դա, իհարկէ, նախապաշարմունք է, այն, նախապաշարմունք, բայց և... տանջանք... (Վեր է կենում եւ շափազանց յուզված անցուդարձ անում. մի քանի վայրկեան լուռ թիւն:) Անցեալ օրն երեկոյեան, մենակ նստած այս սեղանի մօտ, թէյ էի խմում, յանկարծ բաժակի մէջ, թէյի երեսին կենդանի նկարվեց նա: Ես խելագարի պէս գոռալով, ոտքի թռայ: Թուաց ինձ, որ նա ծիծաղում է քեզ վրայ դիւային ծիծաղով: Ամեն տեղ, ամեն տեղ նրան եմ տեսնում: Նրա ուրուականն ինձ հալածում է գիշեր-ցերեկ: (Պատգաւ:) Բայց... բայց... ես կազատվեմ, կազատվեմ այս յիմար հալիւցինացինայից և կըմուռնամ բոլորը, բոլորը: (Ընկղձվում է զահաւո-

րակի վրայ եւ մահաւոր ձեռներով սեղմում: Պատգաւ:) Ե՛կի. (Դառն տանջանքով) Դու երբէք չես մոռանալ...

Մի՛չ. (Գլուխն արագօրէն ըարձրացնելով եւ ոտքի կանգնելով:) Ինչո՞ւ: Մի՛թէ ես այդքան անզօր եմ հոգով, թուլամօրթ... Եթէ ես կարողացայ զսպել իմ մէջ նախահայրերիցս ժառանգած ասիականութեան կոպիտ ոգին, ինչո՞ւ չեմ կարող աւելին անել:

Ե՛կի. Ինձ համար աւելի լաւ կըլինէր, եթէ չըզսպէիր այդ ոգին: Այն րոպէին երբ, մթնած աչքերով յարձակվելով ինձ վրայ, քիչ էր մնում սպանէիր ինձ, ես երկիւզ չունէի: Մի հարուած, և ես կըստանայի իմ արժանի վարձն ու ամեն ինչ կըվերջանար: Իսկ այժմ... Ո՛չ, Միհրան, մի խաբիր քեզ: Ներել—գուցէ կարողանաս, բայց մոռանալ—երբէք:

Մի՛չ. Ուրեմն...

Ե՛կի. Պէտք է անել այն, ինչ-որ պահանջում է քո քոյրը: Ինչո՞ւ կեղծել. ինձ համար աւելի լաւ է զրկվել ամեն բանից, քան դառնալ խղճալի: Նա, որ մի ժամանակ ապրել է սիրոյ շքեղ պալատում, չի կարող կանգնել նոյն պալատի դռների մօտ և ողորմութիւն խնդրել:

Մի՛չ. Գիտէի, որ հպարտ ես, բայց չըգիտէի, որ այդչափ եսամուլ ես:

Ե՛կի. Եսամուլ...

Մի՛չ. Այո, եսամուլ: Դու այս տնից ուզում ես հեռանալ այն պատճառով, որ չես կարող տեսնել իմ տանջանքները: Դա եսամուլութեան նուրբ տեսակներէն մէկն է:

Ե՛կի. Թող այդպէս լինի: Բայց, հեռանալով այս-

տեղից, կըթեթեացնեն քո տանջանքները: Վիրաւոր-  
ված մարդու ցաւը կրկնապատկվում է, երբ նա տես-  
նում է այն զէնքը, որով վիրաւորվել է: Միայն իմ բա-  
ցակայութիւնը կարող է բուժել քո վերքը...

**Միջ.** Ա՛յդ է, ուրեմն, քո կարծիքով, ինչքի  
լուծումը:

**Եի՛՛ֆ.** Ես կարծում եմ, որ ուրիշ ելք չըկայ: Պէտք  
է բաժանվենք:

**Միջ.** Երբէ՛ք, երբէ՛ք, դու պիտի մնաս իմ տա-  
նը հէնց ինձ բժշկելու համար: Քո պատիժը դու ար-  
դէն ստացել ես, բաւական է. միթէ ես չըբխեմ ինչ  
է կատարվում այս բողոքին քո հոգում: Ի՛նչ պէտք է  
մնաս իմ տանը:

**Եի՛՛ֆ.** Չեմ կարող... վերջապէս, իրաւունք չունիմ...

**Միջ.** Եւ ո՞վ է խլում քեզանից իրաւունքը:

**Եի՛՛ֆ.** Իմ խիղճը:— Հաւատո՛ւ, այդ միակ ելքն է,  
չըկայ ուրիշը, չըկայ: Եթէ ես մինչև այսօր յետաձգել եմ,  
պատճառը մայրս էր: Ես սպասում էի, որ հարուածի ոյժը  
մի փոքր թուլանայ նրա մէջ: Այսօր ես յաջողեցի հա-  
մողել նրան, որ ինձ համար ուրիշ ելք չըկայ: (Լռութիւն):  
Իրեղէններս արդէն կապկապած են, մտում է միայն...  
(Ճնշված ձայնով) վերջին անգամ նայել քեզ: (Երեսը  
դարձնում է նրանից որպէս զի արտասուքը թագնի):

**Միջ.** (Նայում է նրան համակրութեամբ եւ սիրով  
լի հայեացքով: Նրա դէմքն արտայայտում է շերտ  
ցանկութիւն գրկել ու համբուրել Եւզինէին, քայց  
ինքնասիրութիւնը չի թոյլ տալիս նրան այդ անելու:  
Պատուա՛ւ) Բաւական է, բաւական է:

**Եի՛՛ֆ.** (Կարճատեւ, քայց զօրեղ պատերազմից յե-  
տոյ, վճռողաբար:) Մնաս բարով... միայն... (Տատան-

վում է) բայց ոչինչ... (Բացասական շարժումն է ա-  
նում ձեռով եւ քայլերն ուղղում դէպի ձախ կողմի  
դռները: Ներսի սենեակից լսվում է դայեակի ձայնը,  
որ օրօր է երգում երնխայի համար: Խորքի դռներում  
երեսում է Մարթան: Լսելով դայեակի երգը, Եւզի-  
նէն զօրեղ ցնցվում է, դողում եւ հազիւ ոտքի վրայ  
մնալ կարողանալով, յենվում է դռների շրջանակին:)

**Միջ.** (Նայում է շարունակ Եւզինէին):

**Եի՛՛ֆ.** (Լռութիւնից յետոյ) Ես շատ եմ մտածել  
նրա մասին... (Խուլ ձայնով, արտասանելով իւրա-  
քանչիւր քառն առանձին) նա քեզ է պատկանում...  
Ես նրան թողնում եմ այստեղ:

**ՄԱՐԹԱ.** Եւ ուրիշ կերպ էլ չի կարող լինել...

**Միջ.** (Ցնցվում է քրոջ ձայնից:) Ոչ, կարող է լի-  
ւինել... (Մօտենում է Եւզինէին):

**Եի՛՛ֆ.** (Ուժասպառ ընկնում է Միհրանի գերկը:)  
Ա՛հ...

**Միջ.** (Պատուա՛ւ) Մարթա, մտեցիր... օգնիր...  
Եւզինէ՛... Մարթան տեղից չի շարժվում եւ նայում  
է նրանց արհամարհանքով, իսկ երբ Միհրանը զոր-  
կում է Եւզինէին, ցնցվում է: Միհրանը հանդարտիկ  
Եւզինէին նստեցնում է աթոռի վրայ, աշխատելով  
նրան ուշքի բերել: Ներսի սենեակից տակաւին  
լսվում է դայեակի երգը, որ հետզհետէ ցածանալով  
ընդհատվում է:

**Եի՛՛ֆինէ.** (Աչքերը քանալով, նայում է Միհրանին,  
յետոյ հանդարտիկ շոքում է նրա առջեւ եւ, վերցնե-  
լով նրա ձեռը, ամուր սեղմում է շրթունքներին:) Չեմ  
կարող, չեմ կարող...

**Միջ.** (Չնոր խլելով, գրկում է նրա պլուխը: Պա-

ուզա:) Համոզմունքով ներեցի, սիրելով կրմուռանամ...  
(Երեսը դարձնելով Մարթային, ծեռով նշան է ա-  
նում նրան հեռանալու:)

ՄԱՐԹԱ: Մոռացիր և՛ ինձ: (Գնում է:)

Վ Ա Ր Ա Գ Ո Յ Ր :

1901 թ. Յուլիս-օգոստոս. Կօջօր:




Վ Ե Ր Զ


Գրքոյկիս 49 էջի առաջին տողի մէջ հետևեալ  
խոշոր սխալն է մտել.

Տարւած է. «ՄԻՆ. Ի՛նչ բանն է: Դու քո ուրիշ  
հոգով ես և այլն. սլիտի կարդալ. «ՄԻՆ. Դո ի՛նչ  
բանն է: Դու ուրիշ հոգով ես» և այլն:

Կ. Կ. Վարդ  
Գրքատէր







« Ազգային գրադարան



NL0358757

48259

